

校註婦人良方

三

中國醫學大成第九集

婦科類

校註 婦人良方 三

上海大東書局印行

校註婦人良方

宋 臨川 陳自明良甫編輯
明 古吳 薛 己立齋補註

鄞縣 曹赤電炳章圈校

卷七

婦人嘔吐方論第一

婦人嘔吐。良由脾胃不調。外邪乘之。或胃中虛冷。或胃口有熱。或中脘停痰。或胃經血弱。治法胃冷者。丁香散。理中丸。胃熱者。小柴胡湯。竹茹湯。胃虛者。藿香正氣散。停痰者。半夏茯苓湯。二陳湯。血虛者。十全大補湯。加陳皮。半夏。藿香。

愚按。東垣先生云。前症內有故寒與新穀俱入於胃。新故真邪相攻。氣併相逆。復出於胃。故爲噦。補手太陰。瀉足少陰。又云。胃因氣逆爲噦。夫嘔吐噦者。俱屬於胃。以其氣血多少爲異耳。如嘔者。陽明也。陽明多血多氣。故有聲有物。血氣

俱病也。仲景云。嘔多雖有陽明症。慎不可下。孫真人云。嘔家多服生薑。爲嘔家之聖藥也。氣逆者。必散之。故以生薑爲主。吐者。太陽也。太陽多血少氣。故有物無聲。爲血病也。有食入則吐。以橘皮去白主之。噦者。少陽也。多氣少血。故有聲無物。乃氣病也。以薑製半夏爲主。若脾胃虛弱。寒邪所客。飲食所傷者。用六君子。薑香。生薑之類。若胃中有熱。膈上有痰。用二陳。山梔。黃連。生薑。若久病胃虛。嘔而不納穀者。用生薑。參。朮。黃耆。香附之類。亦有痰膈中焦。食不得下者。有氣逆而嘔者。有氣鬱於胃口。有食滯於心肺之分。而復出者。有胃口有火。與痰而嘔者。若注船大吐。渴飲水者。冲童便飲之最妙。前論云。血不歸源而嘔。用十全大補湯。誠發前人之未發。愚常用屢效。此論與王安道先生源頭集所論少異。仍宜參看之。

附治驗

太守陽山之內。素善怒。胸膈不利。吐痰甚多。吞酸噯腐。飲食少思。手足發熱數年矣。所服非芩。連。枳實。必檳。蘇。厚朴。左關弦洪。右關弦數。此肝火血燥。木乘土位。朝用六味地黃丸。以滋養肝水。夕用六君歸芍。以調補脾土而愈。乙巳夏。因大怒。吞酸噯腐。胸腹脹滿。或用二陳。石膏治之。吐涎如湧。外熱如灼。脈洪大。按之

如無。余曰。此脾胃虛損。虛陽發越於外。脾敗而涎泛出也。用六君。加薑桂一鍾。即睡覺而諸症如失。又數劑而康。

先太宜人飲食後。聞外言忤意。嘔吐酸水。內熱作渴。惟飲冷水。氣口脈大而無倫。面色青赤。此肝脾鬱火。投之以藥。入口即吐。第三日吐宿食。第七日吐酸黃水。十一日吐苦水。脈亦洪大。仍喜飲冷。以黃連煎湯。冷飲少許。至二十日。加白朮、茯苓。二十五日。加陳皮。二十七日。加當歸、炙草。至六十日。始進米飲半盞。漸進薄粥。調理即痊。

一婦人食後因怒。患瘧嘔吐。用藿香正氣散而愈。後復怒吐痰。狂言熱熾。胸脇脹痛。手按少得。脈大無倫。按之微細。此屬肝脾二經血虛。以加味逍遙散。加熟地、川芎二劑。脈症頓退。再用十全大補湯而安矣。府庠沈姬文母。患脾虛中滿。痰嗽發熱。又食濕麵冷茶。吞酸嘔吐絕食。誤服芩連、青皮等藥。益加寒熱。口乾流涎不收。聞食則嘔。數日矣。迎治。余曰。脾主涎。此脾虛不能約制也。欲用人參安胃散。惑於衆論。以爲胃經實火。宿食治之。病日增劇。忽思冬瓜。食如指甲一塊。頓發嘔吐酸水不止。仍服前藥愈劇。復邀視之。則神脫脈絕瀕死矣。惟目睛尚

動。余曰。寒淫於內。治以辛熱。然藥不能下矣。急用鹽艾。附子炒熱熨臍腹。以散寒回陽。又以口氣補接母口之氣。又以附子作餅。熱貼臍間。時許。神氣少生。以參朮附子為末。仍以是藥。加陳皮煎膏為丸。如粟米大。入五七粒於口。隨津液嚥下。即不嘔。二日後。加至十粒。諸病少退。其涎不止。五日後。漸服前劑一二匙。胃氣少復。乃思粥飲。後投以參朮等藥。溫補脾胃。五十餘劑而愈。

丁香散 治脾胃氣弱嘔吐。水穀不入。

丁香

白朮

縮砂

草

果 各三錢

人參 一兩

當歸

白豆蔻

藿香

甘草 各半兩 炒

橘皮 三分

神麴 炒

訶子

各半兩

右為末。每服二錢。薑棗湯調。

竹茹湯 治胃熱嘔吐。

乾葛 二錢

半夏 三錢 薑製

甘草 五分

竹茹

一彈子 大

右薑棗水煎服。

許學士先生云。胃熱者。手足心熱也。政和中。一宗人病傷寒。得汗身涼。數日。忽

嘔吐藥。食不下。用丁香、藿香、滑石等藥。下咽即吐。余曰：此正汗後餘熱留胃脘。正宜竹茹湯用之即愈。

許仁貼半夏丸 治胃冷嘔逆不食。

半夏一斤洗去骨 小麥麵一斤

右水和丸。如彈子大。水煮熟。初服四五丸。二服加至十四五丸。旋煮間服。

七味人參丸 服前丸不應。可服此藥。

人參 白朮各五兩 厚朴薑製 細辛各四兩

生薑 橘皮三兩 桂心一兩

右為末。煉蜜丸。桐子大。米飲下十九丸。漸加至二十九丸。

青金丸 治嘔吐不已。

硫黃三錢 水銀一錢

右入銚內。慢火化。以木片撥炒成砂。研至黑。不見白星。薑汁糊丸。菘豆大。每服

二三十丸。米飲下。

附方

人參安胃散 治脾胃虛熱。嘔吐泄瀉。或飲食不入。

人參 一錢

黃耆 錢二

生甘草

炙甘草 各五分

白芍藥 七分

白茯苓 四分

陳皮 三分

黃連 分二

右水煎服。

六君子湯 方見二十四卷第六論

加味逍遙散

十全大補湯 方見二十四卷第四論

六味丸 方見二十四卷第十一論

藿香正氣散 方見二十四卷第九論

婦人霍亂方論第二

論曰。嘔吐而利者。名霍亂也。因腸胃虛弱。飲食過度。觸冒風冷。清濁相干所致。或先腹痛而吐。或先吐而痛。或吐利並作。當分寒熱而治之。飲冷者。五苓散。飲湯者。理中丸。四肢逆冷。脈微細者。用通脈四逆湯。加猪膽汁。中暑霍亂。煩渴飲冷。轉筋者。用香薷散。脈浮洪者。易治。微遲者。難治。

愚按。賈元良先生云。暑者相火行令也。夏月人感之。自口齒而入。傷心胞絡之經。其症頭疼口乾。面垢自汗。倦怠少氣。或背寒惡熱。甚者迷悶不省。或霍亂吐

利。嘔痰腹痛。或下血發黃生斑等症。治法清心火利小便爲主。若自汗熱甚。用白虎湯。若頭疼惡寒。用十味香薷散。泄瀉煩渴。飲水吐逆。用五苓散。熱甚煩渴。用益元散清之。若表解裏熱甚者。用黃連解毒湯。脈微下利。作渴喜溫。或厥冷不省人事。宜竹葉石膏湯。加熟附半枚冷飲。次以來復丹。五苓散治之。故東垣云。脾胃虛弱。遇夏月淫雨。身重短氣。甚則四肢痿軟。脚軟眼黑。當滋肺氣。以補水之源。是以五月常服五味子。人參。麥門冬之劑。爲熱傷元氣故耳。丹溪所謂夏月伏陰在內也。蓋人之腹屬地。巳月六陽盡出於地之上矣。是人之陽氣亦浮於肌表。散於皮毛。而腹中之陽虛矣。又加以涼臺水館。大扇風車。寒泉水果。冰涼之物。自內及外。不用溫熱。病所由生。陳無擇云。凡中暍切不得用冷藥。惟用溫養得冷卽死。道途無湯。卽以熱土熨臍中。溺以熱尿卽甦。概可見矣。內經曰。脈虛身熱。得之傷暑。難經云。傷暑得之爲正邪。火自病也。當惡臭。其病身熱而煩。心痛。其脈浮大而散。傷寒論曰。太陽中暍者。身熱疼痛。而脈微弱。或發熱惡寒。而脈微細。遲。大抵寒傷形。熱傷氣。蓋傷氣而不傷形。則氣消而脈虛弱。故先哲立法。夏月宜補。良有以也。前症若內有所積。外有所感。用二陳湯加減。

治之。或蘿蔔子搗碎。服而吐之。若飲米湯。即死云云。同前論。若轉筋不住。男子以手挽陰。女子以手牽乳。近兩邊。此千金妙法也。乾霍亂不得升降。死在須臾。當以鹽湯吐之。後以二陳湯加川芎、蒼朮、防風、白芷、薑煎服。若登園而不通。加枳殼。若食瓜果飲冷。乘風霍亂。用六和湯。倍加藿香。凡中暑而亡者。皆因元氣虛弱。而暑熱乘之。以致泄瀉。陽氣暴脫。實為陰寒之症。宜急補其陽。庶得保生。緩則不救。其他執為暑熱。投以寒藥。鮮不誤事。愚皆以回陽固本之方。繼之於後。

附治驗

進士李通甫之內。冬開衣箱。其內衣裳。乃夏月所晒者。開時覺暑氣所侵。良久患霍亂。足指足跟。俱轉筋甚惡。自分必死。用香薷飲一劑。急煎下咽。即愈。加減理中丸。治肚腹疼痛。手足逆冷。飲食不入等症。

人參

白朮

乾薑

甘草

各等分

右為末。煉蜜杵勻。每兩作五丸。每服一丸。白湯化下。嘔吐。加枳殼。泄瀉。加乾薑。吐瀉乾嘔。加半夏。體冷微汗。腹寒。加炮附子。水煎服。

四順附子湯 治霍亂吐利腹痛。手足厥冷。脈微絕。方見八卷十一論
四逆湯加猪膽汁。各四逆猪膽汁湯。

甘草三兩

乾薑三兩

附子一枚

右每服五錢。水煎。入猪膽汁半合。作二服。

香薷散 治吐利腹疼。發熱頭痛。或霍亂轉筋拘急。

香薷二錢

白扁豆

厚朴薑製

茯苓各一

右水煎。冷服。連進二三劑。加黃連。名黃連香薷飲。

附方

十味香薷散 治伏暑身體倦怠。頭痛惡寒。或吐瀉等症。

香薷一兩

人參

陳皮

白朮炒

茯苓

黃耆炒

木瓜不犯鐵器

厚朴薑製

扁豆

甘草炒兩

右每服一兩。水煎。

清暑益氣湯 治長夏濕熱所蒸。四肢困倦。精神短少。懶於動作。胸滿氣促。支節

作疼。或氣高而喘。身熱而煩。心下膨悶。小便黃數。大便溏頻。或瀉利作渴。不思飲食。自汗體重。

黃耆炒

蒼朮

升麻各一錢

人參

白朮

神麴炒

陳皮各五分

甘草炙

黃柏炒

麥門冬去心

當歸各三錢

葛根二分

五味子炒九粒

澤瀉五分

青皮二分

右水煎服。

白虎湯。治胃熱作渴。暑熱尤效。又治熱厥腹滿。身難轉側。面垢譫語。不時遺溺。

手足厥冷。自汗脈沉滑。

知母

石膏各二錢

粳米半合

右水煎服。

人參白虎湯。治暑熱發渴。脈虛等症。

人參一錢五分

知母二錢

石膏半兩

甘草一錢

右入粳米一合。水煎服。

人參益氣湯 治暑熱傷氣。四肢困倦。嗜臥少食。兩手指麻木。

黃耆錢八 甘草七錢內 人參半兩 升麻一錢

白芍藥錢三 五味百四十 柴胡五分

右咬咀。分作四服。

大順散 治冒暑伏熱。引飲過多。脾胃受濕。水穀不分。清濁相干。陰陽氣逆。霍亂

嘔吐。臟腑不調。

甘草炒 乾薑炮 杏仁去皮炒 桂去皮

右為末。每服二三錢。湯點服。

消暑丸 治傷暑發熱頭疼。或嘔吐泄瀉。二便不分。

半夏 甘草炒 茯苓各半

右為末。生薑汁和丸。桐子大。每五十九丸。水下。易簡方。薑汁好醋煮半夏末。作糊

丸服。

薑附湯 治霍亂轉筋。手足厥冷。汗出嘔逆。腹痛脈欲絕者。

乾薑炮 附子一個

右爲末。每服五錢。水煎服。

通脈四逆湯 治霍亂惡寒。腹痛身冷。自汗。脈沉微如欲絕。

吳茱萸二兩 炒

附子炮一兩

桂心

通草

細辛

白芍藥炒

甘草炙各半兩

當歸三錢

右每服四錢。水酒生薑煎。如不應。更加倍服之。以效爲度。

半夏解毒湯 治一切暑熱毒。五心煩躁。口舌咽乾。

黃柏炒

黃芩炒

山梔子炒

半夏等分

右每服五錢。水煎。

六和湯 治冒暑伏熱。煩悶。霍亂轉筋。吐瀉。寒熱交作。頭目昏痛。嗜臥倦怠。小便

赤澀。不問胎產並服之。

縮砂

半夏湯炮

杏仁去皮

人參

甘草炙各一兩

赤茯苓

藿香

木瓜各二兩

白扁豆薑汁略炒

香薷

厚朴薑製各四兩

右每服一兩。薑棗水煎服。

益元散 治中暑身熱。小便不利。或發熱體痛。口乾作渴。

滑石六兩

甘草微炒一兩

右爲末。每服三錢。加蜜少許。湯水任下。

二陳湯方見二十四卷第五論

來復丹

五苓散二方見二十卷第十論

竹葉石膏湯方見十卷第十論

婦人翻胃吐食方論第二論新

愚按病機云。前症有三。曰氣積寒也。皆從三焦論之。上焦吐者。分於氣。氣者天之陽也。其脈浮而洪。食已暴吐。渴欲飲水。大便燥結。氣上衝胸發痛。其治法當降氣和中。中焦吐者。從於積。有陰有陽。食與氣相假爲積而痛。其脈浮而匿。其症或先痛而後吐。或吐而後作痛。治法當以小毒藥去其積。檳榔、木香行其氣。下焦吐者。心干寒地之道也。其脈沉而遲。其症朝食暮吐。暮食朝吐。小便清。大便祕而不通。治法當以毒藥通其閉塞。溫其寒氣。大便漸通。復以中焦藥和之。不令大便秘結而自愈也。王太僕曰。食不得入。是有火也。食入反出。是無火也。

又發明曰。噎者六腑之所主。陽也。氣也。塞者五臟之所主。陰也。血也。二者皆由陰中伏火而作也。劉宗厚先生曰。若三焦傳化失常所致。主於氣也。若血虧胃腕乾槁所致。因於血也。塞猶填塞不通之義。故發明有治幽門不通。噎塞不便。通幽湯例。蓋陽無陰不能通化。陰之失位而陽伏其中。傳化不變。而反上行矣。故前症或由飲食起居。七情虧損脾胃。痰飲停滯。中氣不運。當以補中益氣湯為主。若鬱結傷脾。用歸脾湯加枳殼。桔梗。若恚怒傷肝。用小柴胡加梔。苓。參。朮。脾氣虛弱。用六君加山梔。枳殼。氣血俱虛。用八珍湯加山梔。半夏。若用行氣之藥。胸膈痞悶。用六君。芎。歸之類。若過用香燥之劑。而大便結燥。用四物。參。朮之類。若飲食不能入。用六君。山梔。吳茱萸。製黃連。若食入而反出。用六君。炮薑。白豆蔻。黃連。製吳茱萸。若痰滯而食反出。用六君。枳殼。桔梗。若飲食少思。大便不實。胸膈痞悶。吞酸噎腐。食反不化。是爲脾胃虛寒。用東垣固真丸。或八味丸。若發熱煩熱。身惡風寒。腹畏熱食。或手足俱冷。胸滿腹脹。是內真寒外假熱。用神效附子丸。或八味丸。大凡嘔吐善食。喜飲冷水。是爲有火。嘔吐少食。喜飲熱湯。是爲無火。當審其因而治之。

附治驗

一婦人患前症。胸腹痞悶。得去後。或泄氣稍寬。余曰。此屬脾氣鬱結而虛弱也。當調補爲善。不信。乃別用二陳。枳實。黃連之類。不應。又用香燥破氣。前症益甚。形氣愈虛。余用加味歸脾湯調治。不出半載而痊。

一婦人患前症。胸腹脹悶。或小腹不利。或時作痛。小便瀦滯。余曰。此肝火血虛也。當清肝火。生肝血。養脾土。生肺金。以余言爲迂。別服利氣化痰等劑。前症益劇。虛症蠡起。余用加味道遙散。加味歸脾湯兼服。尋愈。

一婦人患吐痰甚多。手足常冷。飲食少思。余曰。此肝脾鬱怒。兼命門火衰。不信。另服化痰利氣之劑。胸腹愈脹。又服峻利疎導之劑。余曰。非其治也。必變脾虛發腫之症。急服金匱加減腎氣丸。庶有可救。仍不信。反服沉香化氣等丸。果發腫而歿。

白堊散 治虛熱翻胃。用白堊土一斤。米醋一斤。煨土赤。入醋內。再煨再入。以醋乾爲度。取土一兩。入炮薑一錢爲末。每服一錢。米飲下。甚者二錢。須服四兩有
效。

治實熱翻胃。用黃連五錢。生薑汁浸炒。山查三錢。保和丸三錢。同為末。糊丸麻子大。胭脂為衣。每服六十九丸。煎人參湯入竹瀝下之。

肉豆蔻

砂仁各一兩

丁香一兩

陳蒼朮一升

右為末。薑汁糊丸。桐子大。每服六七十丸。薑湯下。

青金丹 每服三十九丸。生薑陳皮煎湯送下。方見前嘔吐類

附方

東垣補真丸

肉苁蓉酒浸

葫蘆巴炒

附子炮去

陽起石殺

肉豆蔻煨

兔絲子淨洗酒

川烏炮去

沉香

五味子各五錢

鹿茸酒浸

巴戟去心

鍾乳粉各一兩

右為末。用羊腰子兩對。治如食法。葱椒酒煮搗爛。入酒糊丸。如桐子大。每服七

十丸。空心米飲鹽湯任下。

神效附子丸 治脾腎虛寒嘔吐。或翻胃膈噎。用黑附子重一兩四五錢。端正底

平尖圓一枚。灰火炮皮裂。入生薑自然汁內。浸潤曬乾。再炮。再入汁浸潤。仍曬再炮。用盡薑汁半碗爲度。却去皮臍爲末。以人參煎膏丸黍米大。每服數丸。津唾嚥下。胃氣稍復。飲食稍進。投以溫補之劑。

六君子湯

補中益氣湯

四物湯三方見二十四卷第六論

歸脾湯

加味歸脾湯

八珍湯

加味道遙散

四方見二十四卷第四論八味丸方見二十四卷第十一論

二陳湯方見二十四卷第五論

金匱加減腎氣丸方見二十二卷第十論

婦人血膈方論第四

愚按前症若氣逆而血滯。用流氣飲。若恚怒而血逆。用小柴胡。山梔。丹皮。血虛用四物。參。朮。柴胡。山梔。丹皮。若鬱結而血傷。用加味歸脾。兼加味道遙散。脾虛不能生血。用六君。歸。芎。胃虛不能吐血。用益氣湯。若肝虛而不能藏血。用補肝散。如不應。兼以六味丸。若因脾肺虛。用補中益氣湯。如不應。用六君加味湯。

附治驗

一婦人患前症。胸膈痞悶。余曰。此屬脾經血虛。遂用四君、芎、歸。調補脾氣。尋愈。又因怒兼兩脇痞悶。頭目不清。月經旬餘未竭。用加味逍遙散。加鈎藤治之。復瘥。一婦人患前症。胸膈作痛。面清目劓。小便頻數。或時寒熱。此肝氣前而血凝。先用失笑散。二服痛止。又用加味逍遙散而愈。一婦人所患同前。泛用行氣破血之劑。以致不起。

神功散 治血滯胸腹作痛。

五靈脂炒一兩

莪 朮

桂 心

芸 薑子炒各半兩

右每服二錢。酒水煎。

附方

流氣飲方見三卷第七論

小柴胡湯方見二十四卷第二論

加味歸脾湯

加味逍遙散二方見二十四卷第四論

補中益氣湯

四君子湯

六君子湯四方見二十四卷第六論

補肝湯方見本卷第十七論

六味丸方見二十四卷第十一論

失笑散方見二十五卷第五論

製吳茱萸黃連法。用二味等分。用熱湯拌濕和勻。重湯頓煮。使氣相通。同炒焦。

各揀出聽用。

婦人鼻血方論第五

婦人氣血調和。則循環經絡。若勞傷元氣。陰虛火動。氣逆於肺。則血隨鼻而衄。產後尤不可治。陳無擇曰。亦有因怒氣而得者。趙恭人鼻衄。先用蘇合香丸四粒。次用五苓散。濃煎白茅花湯調服。卽止。又用芎歸湯調理而安。一富男鼻血。六脈洪數。訊之云。曾服丹藥。遂用芩連大黃爲末。水調服之而解。

愚按前症若熱鬱於胃經。用犀角地黄湯。若伏暑於內。用黃連香薷飲。若大怒血蓄於上。用小柴胡湯。若脾損不能攝血。歸源用歸脾湯。大凡雜症見血多。因陰分鬱熱。或內有所傷。皆屬五志所動。經曰。諸見血。身熱脈大者。難治。是火邪勝也。身涼脈靜者。易治。是正氣復也。仍與後症同用。

附治驗

一婦人經素不調。因怒衄血。此肝火熾盛。用加味小柴胡加紅花。二劑血止。又用加味逍遙散。八珍湯兼服。三十餘劑。經行如期。

一婦人鬱結而患前症。用加味歸脾湯。其血漸止。飲食漸進。用加味逍遙散。元氣漸復。寒熱漸止。後因怒仍衄。寒熱往來。用小柴胡湯。加芎歸。丹皮而愈。

一婦人因勞衄血。服涼血之劑。更致便血。或以血下爲順。仍用治血。余曰。此因脾氣下陷而血從之。當升補脾氣。庶使血歸其經。不信。果血益甚。余朝用補中益氣湯。夕用加味歸脾湯而愈。此症用寒涼止血。不補脾肺。而死者多矣。

刺薊散 治血熱鼻衄。

刺薊

生地黄錢各二

桑耳

亂髮灰

艾葉妙各一錢

蒲黃五分

右水煎服。

犀角地黄丸方見後

又方。用白茅根汁一合。飲之即止。

又方。用生葱心塞鼻中。血即止。若刀斧所傷。用之血亦止。

四物湯加側柏生地黃。治虛熱吐血甚效。若脾經血虛。須用四君加芎歸。若脾經結鬱。須用歸脾湯。若肝腎虧損。須用六味丸。若氣血俱虛。須用十全大補湯。

附方

濟生犀角地黃湯。治熱鬱不解。泛行經絡。或流腸胃。隨氣湧泄。以致衄血吐血。或為便血。並皆治之。

犀角鎊如無

生地黃

白芍藥

牡丹皮各等

右每服四五錢。水煎。若實熱熾甚。加炒黃芩。若去血過多。或脾肺之氣虧損。不能攝血歸源者。急用四君子湯。鬱結者。用歸脾湯。

枇杷葉散。治暑毒攻心。衄血嘔血。或吐瀉作渴。

香薰二錢

厚朴薑製一

甘草炙

麥門冬去心

木瓜不見

白茅根各一

枇杷葉

陳皮

丁香各半

右每服三五錢。薑水煎。

黃連香薰飲。治伏暑衄血。不拘四時。方見本卷第二論

小柴胡湯。加味小柴胡湯。二方見二論

歸脾湯。加味逍遙散。八珍湯。

加味歸脾湯四方見二十四論補中益氣湯方見二十四卷第六論

婦人吐血方論第六

婦人吐血者。因臟腑傷損所致。夫氣血外行於經絡。內榮於臟腑。若六淫七情。飲食起居有所損傷。行失常道。逆則吐血也。

愚按前症若脾經鬱熱。用犀角地黃湯。脾胃伏暑。用黃連香薷飲。心脾鬱熱。用生地黃湯。心氣耗損。用茯苓補心湯。脾氣勞傷。用鷄蘇散。思慮傷脾。用歸脾湯。暴怒肝火。用加味小柴胡湯。久怒肝傷。六味地黃丸。脾肺虛熱。用麥門冬飲。肝腎虛熱。用六味地黃丸。氣血俱虛。用十全大補湯。經云。脾朝百脈之氣。肝統諸經之血。必用甘溫之劑。補其陽氣。使血各歸其經。如大吐血病。毋論其脈急。用獨參湯救之。若潮熱咳嗽而脈數者。元氣虛而假熱之脈也。皆由脾胃先損。須用人參之類。本草云。人參治脾胃不足。補中溫中。瀉脾肺中火。東垣先生云。脾胃虛者。心血亢甚而乘土位。肺氣受邪。須用黃耆最多。人參甘草次之。脾胃一虛。肺氣先絕。故用黃耆以益皮毛而閉腠理。嘗治氣血虛弱。用十全大補最善。

若用寒涼止血。胃寒反傷。無不致禍。

附治驗

一老婦每作先飲食不進。或胸膈不利。或中脘作痛。或大便作瀉。或小便不利。余以爲肝脾之症。用逍遙散。加山梔、茯苓、木香而愈。後鬱結吐紫血。每作先倦怠煩熱。以前藥加炒黑黃連三分。吳茱萸二分。頓愈。後因怒吐赤血甚多。燥渴垂死。此血脫也。法當補氣。乃用人參一兩。蒼朮、當歸各三錢。陳皮、炮黑乾薑各一錢。炙甘草、木香各一錢。一劑頓止。又用加味歸脾湯調理而痊。

一女子懷抱素鬱。胸滿食少。吐血面赤。用六味丸及歸脾。加山梔、貝母、芍藥而愈。
一婦人爲哭母。吐血咳嗽。發熱盜汗。經水不行。此悲傷肺。思傷脾。朝服補中益氣。加桔梗、貝母。知母。夕用歸脾湯。送六味丸而愈。

柔脾湯 治虛熱吐血。衄血汗出。

甘草 炒

白芍藥 炒

黃耆

耆 各半

熟地黃 自製一兩五錢

右每服五錢。水酒煎。

一婦人月經不利。忽妄行嘔血。察其形脈如常。用四生丸即安。一女子飽食負重。

而吐血。用前湯。及青餅子而愈。世治吐血。並用竹茹、地黃、藕汁。亦不可拘泥。如陽乘於陰。血得熱則流散。經水沸溢。理宜涼解。大黃、犀角之類。如陰乘於陽。所謂天寒地凍。水凝成冰。須用溫散。乾薑、肉桂之類。

四生丸 治乘陽於陰。以致吐血衄血。

生荷葉

生艾葉

生柏葉

生地黃各等

右研丸。鷄子大。每服一丸。水煎服。陳自華云。先公嘗遊靈石寺。主僧留飯設桌。一僧見桌不穩。急俯穩之。舉首即嘔血。明年到寺。問舊嘔血者何如。主僧言。服得四生丸。遂愈。自得此方。屢治有效。愚意前症。乃內熱暴患。用之即效。若人病久。本元不足。須補脾以滋化源。否則虛火上炎。金反受尅。獲生鮮矣。

犀角地黃湯方見前

薑草湯 治陰乘於陽。寒而嘔血。

甘草炒

乾薑各一錢

右水煎服。理中湯亦效。

花蕊石散 治瘀血積於內。以致大小便不通。或血畜於上。而吐不止。一婦人苦

吐血。百藥不效。童便酒調。不數服而愈。方見胞衣不下
如聖散 治吐血不已。每服二錢。米飲下。方見十七卷催生

附方

濟生雞蘇散 治勞傷肺經。唾中有血。咽喉不利。

雞蘇葉

黃耆炒

生地黄

阿膠炒

貝母

白茅根錢各一

桔梗炒

麥門冬去心

蒲黃炒

甘草五分各

右薑水煎服。

生地黄散 治鬱熱衄血。咯血吐血。陰虛而不能愈者。

枸杞子

柴胡

黃連炒

地骨皮

天門冬

白芍藥炒

甘草炒

黃芩炒

黃耆炒

生地黄

熟地黄自製各五分

右水煎。下血。加地榆。

三因茯苓補心湯 治面色黃瘁。五心煩熱。咳嗽吐血。

半夏

茯苓

紫蘇

前胡

人參

枳殼熬炒

桔梗炒

甘草炒

乾葛各五分

當歸一錢

川芎

陳皮

白芍藥各一錢

熟地黃自製五分

右薑棗水煎服。

麥門冬飲子

治氣虛吐血。或氣虛不能攝血者。

五味子枳十粒

麥門冬去心

黃耆炒各一錢

當歸身

人參

生地黃各錢半

右水煎服。

十全大補湯

治胃氣虛弱。吐血衄血。便血不止。以致外症惡寒發熱。自汗盜汗。

食少體倦。或寒熱作渴。頭疼眩暈。面似中風。或氣血俱虛。胸腹脇痛。或骨節作

痛。經候不調。或寒熱往來。發熱晡熱。或五心發熱。咽乾舌燥。或痰嗽喘促。胸膈

虛痞。或嘔吐泄瀉。手足冷熱等症。

歸脾湯

加味逍遙散

二方見二卷第四論 加味小柴胡湯 方見二卷第二十四論

六味丸

八味丸二方見二十四卷第十一論

獨參湯方見三卷第十一論

補中益氣湯

方見二十四卷第六論

黃連香薷飲

枇杷葉散

二方見本卷前

婦人痲癖諸氣方論第七

婦人痲癖。因元氣虛弱而邪氣積聚。蓋痲者在腹內。近臍左右。有筋脈急痛。如臂如指如絃之狀。癖者僻。在兩肋之間。有時而痛。皆陰陽不和。經絡痞隔。飲食停滯。冷氣固結而成也。

愚按前症因飲食起居。七情失宜。虧損臟腑。氣血乖違。陰絡受傷。循行失度所致。羅謙甫先生曰。養正邪自除。必先調養。使榮衛充實。若不消散。方可議下。但除之不以漸。則必有顛覆之害。若不守禁忌。縱嗜慾。其有不喪身者鮮矣。

附治驗

一婦人內熱作渴。飲食少思。腹內初如雞卵。漸大四寸許。經水三月一至。肢體消瘦。齒頰似瘡。脈洪數而虛。左關尤甚。此肝脾鬱結之症。外貼阿魏膏。午前用補中益氣湯。午後用加味歸脾湯。兩月許。肝火少退。脾土少健。午前以補中益氣

下六味丸。午後以逍遙散。下歸脾丸。又月餘。日用蘆薈丸二服。空心。以逍遙散下。日晡以歸脾湯下。喜其謹疾調理。年餘而愈。

一婦人腹內一塊。不時上攻。或作痛有聲。或吞酸痞悶。月經不調。小便不利。二年餘矣。面色青黃。余以爲肝脾氣滯。以六君加芎歸柴胡炒連木香吳茱各少許。二劑。却與歸脾湯。下蘆薈丸。三月餘。肝脾和而諸症退。又與調中益氣加茯苓丹皮。中氣健而經自調。

一婦人性多鬱善怒。勤於女工。小腹內結一塊。或作痛。或痞悶。月經不調。恪服伐肝之劑。內熱寒熱。胸膈不利。飲食不甘。形體日瘦。牙齦蝕爛。此脾土不能生肺金。肺金不能生腎水。腎水不能生肝木。當滋化源。用補中益氣六味地黃。至仲春而愈。

松江太守何恭人。性善怒。腹結一塊。年餘。上腭蝕透。血氣虛極。時季冬。肝脈洪數。按之弦緊。或用伐肝木清胃火之藥。余曰。真氣虛而邪氣實也。恐伐肝木至春不能發生耳。用八珍湯以生氣血。用地黃丸以滋腎水。肝脾頓退。因大怒。耳內出血。肝脈仍大。煩熱作渴。此無根之火也。仍以前藥加肉桂二劑。脈斂熱退。復

因大怒果卒於季冬辛巳日乃金尅木故也。

一婦人經候過期發熱倦怠或用四物黃連之類反兩月一度且少而成塊又用峻藥通之兩目如帛所蔽余曰脾為諸陰之首目為血脈之宗此脾傷五臟皆為失所不能歸於目也遂用補中益氣濟生歸脾二湯專主脾胃年餘而愈。

麝香丸 治痲痺冷氣心腹作痛。

麝香二錢另研

五靈脂炒

阿

魏五錢麵裹煨令麵熟

桃仁

三稜各二兩醋製

芫花醋炒

檳榔

椰各一兩

莢

茂醋製

桂心

沒藥

木香

香

當歸

歸各半

右為末飯丸桐子大每服十丸淡醋湯下。

治痲痺神效以豬肝一具重十餘兩用巴豆仁五十枚入肝內用醃醋三碗慢

火熬乾研爛量入三稜末九桐子大每服五丸食前酒下。

羅安人每經行臍腹痛甚以桃仁桂枝湯一劑而瘥。方見一卷第十二論

治經來腹先痛用局方七氣湯送來復丹局方積氣丸痲痺癥瘕諸氣亦效。

附方

蘆薈丸 治疥癬肌肉消瘦。發熱潮熱。飲食少思。口乾作渴。或肝疳食積。口鼻生瘡。牙齦蝕爛等症。

蘆薈

胡黃連

黃連炒焦

木香

白蕪荑炒

青皮各五錢

當歸

茯苓

陳皮各半兩

甘草炒七錢

右為末。米糊丸。桐子大。每服七八十九。米湯下。

阿魏膏 治一切痞塊。更服胡連丸。

羌活

獨活

玄參

官桂

赤芍藥

穿山甲

大黃

白芷

天麻各五錢

紅花四錢

生地黄五錢

兩頭尖五錢

木鱉十枚去殼

亂髮一團如鷄子大

槐柳桃枝各三錢

右用香油二斤四兩。煎黑去粗。入髮煎髮化。仍去粗。徐下黃丹。煎軟硬得中。入

芒硝阿魏蘇合油乳香沒藥各五錢。麝香三錢。調勻。即成膏矣。攤貼患處。內服

丸藥。黃丹須用真正者效。凡貼膏藥。先用朴硝。隨患處鋪半指厚。以紙蓋。用熱

熨斗熨良久。如硝耗。再加熨之二時許。方貼膏藥。若是肝積。加蘆薈末同熨。

六君子湯

補中益氣湯二方見二十卷第六論八珍湯

加味歸脾湯

歸脾湯

逍遙散四方見二十卷第四論

六味丸方見二十四卷第十一論

調中益氣湯方見四卷第五論

婦人疝瘕方論第八

婦人疝瘕之病。由飲食不調。血氣勞傷。或胎產經行。風冷相搏所致。蓋疝者痛也。瘕者假也。脈弦急者生。虛弱者死。尺脈濇浮牢。為血實氣虛。腹痛逆氣上行。此為胞中有惡血。入則經成症也。

愚按。子和先生云。遺溺閉癢。陰痿浮痺。精滑白淫。皆男子之疝也。若血涸月事不行。行後小腹有塊。或時動移。前陰突出。後陰痔瘡。皆女子之疝也。但女子不謂之疝而謂之瘕。

附治驗

一婦人小腹痞脹。小便時下。白帶。小水淋瀝。此肝經濕熱下注。用龍膽瀉肝湯而

愈。

一婦人小腹脹痛。小水不利。或胸乳作痛。或脇肋作脹。或氣逆心動。余以爲肝入而血傷痺。用四物柴胡湯下。或玄胡、紫木香而愈。

一婦人小腹痞悶。小便不利。內熱。體倦懶食。用八珍湯。加柴胡、山梔、龍膽草治之而安。

乾漆散 治疝瘕脇肋疼痛。

乾

漆炒令烟盡

木香

芫花醋炒

赤芍藥

桂心

當歸

川芎

琥珀各半

大黃二兩炒

牛膝一兩

桃仁去皮尖一兩另研

麝香一錢

右爲末。每服一錢。溫酒調下。

燔葱散 治前症屬寒氣不散。疼痛甚效。方見二十四卷第八論

附方

寶鑑蒺藜湯 治陰疝小腹作痛。小便不利。手足逆冷。或脇腹悶痛。

蒺藜去刺

附子炮

梔子去皮各半

右末。每三錢。水煎。食前溫服。

丹溪定痛散 治寒疝疼痛速效。

枳殼十五分 山梔子炒

唐棣子

吳茱萸炒

荔枝核炮各等分

右末。用長流水調下一二錢。空心服。

三因失笑散 治小腸疝氣痛。或血氣肚腹作痛。方見二十卷第五論

龍膽瀉肝湯方見二十四卷第八論 四物湯方見二十四卷第六論 八珍湯方見二十四卷第四論

婦人入瘕方論第九

婦人臟腑調和。經脈循環。則月水以時而無病。若乘外邪而合陰陽。則小便胸脇腰背相引而痛。月事不調。陰中腫脹。小便淋瀝。面色黃黑。則瘕生矣。入瘕者。黃青燥。火、脂、氣、蛇、蠃是也。千金外臺言之詳矣。

愚按。經曰。氣主煦之。血主濡之。若血不流。則凝而為瘕也。瘕者中雖硬而忽聚忽散。多因六淫七情。飲食起居。動傷臟腑而成。當與疝癖諸症治同。慎不可復。

傷元氣。

桃仁煎 治血瘕。

桃仁

大黃炒各一兩

蟲半兩 炒黑

朴硝

右爲末。以醇醋一鍾。石器中煮三分。下煎三味。不住手攪。煎至可丸。下朴硝。丸桐子大。不喫晚食。五更初。溫酒下五丸。日午下穢物。如未見。再服。仍以調氣血藥補之。予向在毘陵。一婦人小便不通。臍腹脹甚。予診之曰。此血瘕也。用前藥一服。腹痛下血塊。血水即愈。此藥猛烈大峻。氣血虛者。斟酌與之。

大硝石丸 治七癥八瘕。當用此藥去之。不令人困。

硝石三兩

大黃四錢

人參一錢

甘草八分

右爲末。苦酒一升。石器中。先入大黃煎膏。入餘藥。丸梧桐子大。每服三十九丸。米飲下。三日一服。宜下赤物。

婦人腹中瘀血方論第十

婦人腹中瘀血者。由月經閉積。或產後餘血未盡。或風寒滯瘀。久而不消。則爲積。

聚癥瘕矣。

愚按前症若鬱結傷脾。用加味歸脾湯。若恚怒傷肝。用加味逍遙散。若產後惡露。用失笑散。若肝脾虧損。用六君柴胡以補元氣爲主。胃氣虛弱。用益氣湯。加茯苓半夏爲主。大凡腹中作痛。畏手按者。此內有瘀血。若形體如常。屬病氣元氣俱實。用桃仁承氣湯直下之。若痛而肢體倦怠。飲食少思。此脾胃受傷。屬病氣有餘。元氣不足。用當歸散調和之。若痛而喜手按腹。形體倦怠。飲食少思。此元氣病氣俱不足。用六君炮薑芎歸純補之。若痛而大便不實。飲食難化。此脾胃虛寒。用六君炮薑肉果溫補之。若痛而作嘔少食。此脾胃虛弱。用六君炮薑藿香。若痛而嘔吐不食泄瀉。用六君加薑桂。若兼手足逆冷自汗。更加附子。此症多有因攻伐而致者。

附治驗

婦人耳下腫赤寒熱口苦。月經不調。小腹內一塊。此肝火氣滯而血凝也。用小柴胡加山梔川芎丹皮治之。諸症悉退。

婦人久患腹痛。去瘀血方止。而復大痛。諸藥不納。予以脾胃之氣虛寒。用參朮炮

薑丸如黍。每用數粒津嚥下。後以二味濃煎。漸呻而愈。

桃仁丸 治瘀血不利。月水不調。發熱作渴。心腹滿急。或肚腹中作痛。

桃仁

大黃炒各

蟲翅去

水蛭四十枚

右爲末。煉蜜丸。桐子大。每服五六丸。空心熱酒下。

附方

桃仁承氣湯 治瘀血小腹急痛。大便不利。或譫語口乾。漱水不嚥。遍身黃色。小

便自利。或血結胸中。手不敢近腹。或寒熱昏迷。其人如狂。

桃仁半兩

大黃炒二兩

甘草二錢

肉桂一錢

右薑水煎。發日五更服。

附方

加味歸脾湯 治瘀血已去。或脾經失血。小腹作痛無寐。發熱盜汗。或脾傷不能

攝血。或心脾傷痛。嗜臥少食。或憂思傷脾。血虛發熱。或肢體腫痛。大便不調。或

經候不准。晡熱內熱。

加味逍遙散方見二十四論

失笑散方見五論

六君子湯

補中益氣湯方見二十四卷第六論當歸散方見後卷

小柴胡湯方見二十四卷第二論

婦人癥痞方論第十一

婦人癥痞。由飲食失節。脾胃虧損。邪正相搏。積於腹中。牢固不動。故名曰癥。得冷則作痛。冷入子藏則不孕。入胞絡則月水不通。

愚按前症若脾胃虛弱。用六君子加芎歸。若肝脾虛弱。用補中益氣。及歸脾湯。若肝火鬱滯。佐以蘆薈。地黃二丸。外貼阿魏膏。患者須慎七情六淫。飲食起居。治者不時審察病機而藥之。庶幾有效。

附方

穿山甲散 治癥痞瘀血。心腹作痛。

穿山甲

鱉甲醋炙

赤芍藥

大黃炒

乾漆炒令煙盡

桂心各一兩

川芎

芫花醋炙

當歸尾各半兩

麝香一錢

右為末。每服一錢。酒調下。

六君子湯

補中益氣湯

二方見二十論 卷第六論 歸脾湯 方見二十四卷第四論

六味地黃丸

方見二十四卷第十二論

蘆薈丸

方見本卷第七論

婦人食癥方論第十一

婦人食癥。由臟腑虛弱。經行不忌生冷飲食。或勞傷元氣所致。陳無擇云。經不行者。宜先導之。然後固元氣爲主。

愚按。前症若形氣虛弱。須先調補脾胃爲主。而佐以消導。若形氣充實。當先疏導爲主。而佐以補脾胃。若氣壅血滯而不行者。宜用烏藥散。散而行之。若脾氣虛而血不行者。宜用四君芎歸補而行之。若脾氣鬱而血不行者。宜用歸脾湯。解而行之。若肝脾血燥而不行者。宜用加味逍遙散。清而行之。大抵食積痞塊之症。爲有形。蓋邪氣勝則實。真氣奪則虛。當養正闢邪。而積自除矣。雖然。堅者削之。客者除之。胃氣未虛。或可少用。若病久虛乏者。不宜輕用。

烏藥散

方見後

婦人積年血癥方論第十二

婦人積年血癥。由寒溫失節。脾胃虛弱。月經不通。相結盤牢。久則腹脇苦痛。宜用三稜煎主之。

愚按前症多兼七情虧損。五臟氣血乖違而致。蓋氣主煦之。血主濡之。脾統血。肝藏血。故鬱結傷脾。恚怒傷肝者。多患之。腹脇作痛。正屬肝脾二經症也。竊謂羅謙甫先生云。養正積自除。東垣先生云。人以胃氣爲本。治法宜固元氣爲主。而佐以攻伐之劑。當以歲月求之。若欲速效。投以峻劑。反致有誤。右七症方藥。當互相參用。

附方

三稜煎 治血燥血癥。食積痰滯。

莪 朮醋浸炒

三 稜各三兩

青 皮去白

半 夏

麥 芽炒各一兩

右用好醋一鍾。煮乾。焙爲末。醋糊丸。桐子大。每服三四十九。淡醋湯下。痰積。薑湯下。

婦人血氣心痛方論第十四

婦人血氣心痛。由臟腑虛弱。風冷所乘。蓋心爲諸臟之主。若心受傷。名真心痛。朝發夕死。夕發旦死。若心絡傷。故痛發乍輕乍甚。而成斯症也。

愚按前症若寒邪所傷。溫散之。飲食停滯。消導之。肝火妄動。辛平之。脾氣鬱結。和解之。仍與後六症方藥同用。

附治驗

一婦人久患心痛。飲食少思。諸藥到口卽吐。予以爲脾土虛弱。用白朮一味。同黃土炒去土。每服一兩。以米泔煎濃。徐服少許。數日後。自能大飲。用三斤餘而安。上舍陳履學長子室。素怯弱。產後患疥瘡。年餘不愈。因執喪旬月。每欲眩作。一日感氣。忽患心脾高腫作疼。手不可按。而嘔吐不止。六脈微細。或見其形。實誤認諸痛。不可補氣。乃用青皮、木香、五味、吳茱萸等藥而愈。繼復患瘧且墮胎。又投理氣行血之藥。病雖失。元氣轉脫。再投參耆補劑。不應矣。六脈如絲。欲絕。迎予至。診之曰。形雖實而脈虛極。反用理氣之劑。損其真氣故也。連投參耆。歸朮。附子。薑。桂。二劑。間用八味丸。五日寢食漸安。六脈全復。此症若心脾疼痛時。卽服此等藥。痛亦不作矣。

附方

烏藥散 治血氣壅滯。心腹作痛。

烏藥

莢

茂

醋炒

桂

心

當

歸

桃仁

青

皮

木

香

各等分

右為末。每服二錢。熱酒調下。

靈苑方 用玄胡靈脂為末。每服一錢。沸湯下。日三服。

八味丸 方見二十一論

婦人血氣心腹疼痛方論第十五

婦人血氣心腹疼痛。由臟腑虛弱。風邪乘之。真邪相搏。隨氣上下。故心腹作痛也。愚按前症若氣滯血瘀。用沒藥散。勞傷元氣。用益氣湯。肝脾鬱結。用四七湯。怒動肝火。用小柴胡湯。肝脾血虛。用四物湯。脾肺氣虛。用四君子湯。中氣虛弱。用補中益氣湯。氣血俱虛。用八珍湯。

附治驗

一婦人每怒心腹作痛。久而不愈。此肝火傷脾氣也。用炒山梔一兩。生薑五片。煎服而痛止。更以二陳加山梔。桔梗。乃不發。

一婦人懷抱鬱結。不時心腹作痛。諸藥不應。用歸脾湯。倍加炒山梔而愈。

陳湖陸小村母。久患心腹疼痛。每作必胸滿嘔吐。手足俱冷。面赤脣麻。咽乾舌燥。寒熱不時。月餘竟夕不安。其脈洪大。衆以痰火治之。屢止屢作。迨乙巳春。發頻而甚。仍用前藥。反劇。此寒涼損真之故。內真寒而外假熱也。且脈息洪弦。而有怪狀。乃脾氣虧損。肝木乘之。而然。當溫補胃氣。遂用補中益氣湯。加半夏。茯苓。吳茱萸。木香。一服。熟寐徹曉。洪脈頓斂。怪脈頓除。諸症釋然。

附方

琥珀散 治氣滯心腹撮痛。或月經不行。小便疼痛。

烏藥

莪

茂

醋浸炒
各二兩

當

歸

一兩

右爲末。每服二錢。溫酒調下。

蠲痛散 治血氣刺痛。

荔枝核燒存性

香附子 一兩

右爲末。每服二錢。鹽酒送下。

菖蒲丸 治血積心脾作疼。男六德續添

九節菖蒲六兩 吳茱萸炒 香附子各四兩

右爲末。醋調神麩糊丸。桐子大。每四五十丸。淡薑湯調下。

沒藥散 治血氣不行。心腹作痛。或行注疼痛。或月經不調。發熱晡熱。並宜用之。

紅花 沒藥 當歸 玄胡索等分

右爲末。每服二錢。童便酒調下。

木香枳朮丸 破滯氣。消飲食。開胃進食。消化痰涎。

木香 枳實兩一 白朮兩二

右爲末。每服五錢。薑棗水煎服。

木香化滯湯 治脾胃虛弱。飲食停滯。腹脹作痛。或心下痞滿。不思飲食。若憂怒

飲食而致者。尤宜用之。

木香 紅花各三錢 橘皮 當歸梢各二錢

柴胡四錢 草豆蔻 甘草炙半兩 半 夏一兩

枳實抄二

右每服三五錢。薑水煎服。

補中益氣湯

四君子湯

四物湯三方見二十卷第六論

四七湯方見十一卷第七論

小柴胡湯方見二十四卷第二論

八珍湯

歸脾湯二方見二十四卷第四論

二陳湯方見二十四卷第五論

婦人血氣小腹痛方論第十六

婦人小腹痛。由胞絡受冷。搏於血氣。結於小腹。因虛發動故痛也。

愚按前症若氣寒血結。用威靈仙散。氣滯血凝。用當歸散。肝經血虛。用四物湯。加參朮柴胡。肝經濕熱。用龍膽瀉肝湯。肝脾氣虛。用六君子湯。加柴胡芍藥。肝脾虛寒。用六君子湯。加柴胡肉桂。若兼嘔吐。加木香。四肢逆冷。再加炮薑。

附治驗

通府張孟威云。其妹小腹痛。用附子理中湯。附子服過八十餘枚。此乃沉寒痼冷之甚。不多有者。

附方

威靈仙散 凡冷氣滯血。小腹疼痛。或經行遇怒。腹脹痛。宜用之。

威靈仙 一兩
當歸 沒藥 木香

桂心 各半

右為末。每服一錢。熱酒調下。

當歸散 凡血積小腹疼痛。或因氣逆。月經不行。肚腹作痛。

當歸 炒 赤芍藥 劉寄生 沒藥

枳殼 炒 玄胡索 各等分

右為末。每服一錢。熱酒調下。

四物湯 六君子湯 二方見二十四卷第六論 龍膽瀉肝湯 方見二十四卷第八論

附子理中湯 方見二十一卷第九論

婦人兩脇脹痛方論第十七

婦人兩脇脹痛。因臟腑虛弱。氣血不調。風冷客於胞絡。相搏壅塞痛也。

愚按東垣先生云。胸腹作痛。口苦舌乾。寒熱往來。發嘔發吐。四肢滿悶。淋瀝便難。腹中急痛。此肝木之妄行也。竊謂前症。若暴怒傷血。用小柴胡。芎歸。山梔。氣虛用四物。參朮。柴梔。若久怒傷氣。用六君。芎歸。山梔。若氣血俱虛。用六味。地黃丸。若經行腹痛。寒熱晡熱。或月經不調。發熱痰咳。少食嗜臥。體痛。用八珍。柴胡。丹皮。若脇脹發熱。口渴唾痰。或小便淋瀝。頸項結核。或盜汗便血。諸血失音。用六味丸。若兩脇作脹。視物不明。或筋脈拘急。或面青小腹痛。或小便不調。用補肝散。若概用香燥之劑。反傷清和之氣。則血無所生。諸症作焉。

丹溪先生云。右脇痛。用推氣散。小龍薈丸。當歸龍薈丸。控涎丹。抑青丸。十棗湯。皆病氣元氣俱實之劑。用者審之。

附治驗

一 婦人性急。吐血發熱。兩腹脹痛。日晡益甚。此怒氣傷肝。氣血俱虛也。朝用逍遙散。倍加炒黑山梔。黃柏。貝母。桔梗。麥門冬。夕以歸脾湯。送地黃丸而愈。

一 孀婦內熱晡熱。肢體痠麻。不時吐痰。或用清氣化痰藥。喉間不利。白帶腹脹。用行氣散血藥。胸膈不利。肢體時麻。此鬱怒傷肝脾而藥益甚也。予則朝用歸脾。

以解脾鬱。生脾氣。夕用加味道遙散。以清肝火。生肝血。百餘劑而愈。後怒。飲食日少。肢體時麻。此乃肝火侮土。用補中益氣。加山梔、茯苓、半夏而痊。又飲食失調。兼有怒氣。肢體麻甚。月經如注。脈浮洪而數。此脾受肝傷。不能統血而致崩。肝氣虧損。陰血而脈大。繼用六君。加芎、歸、炮薑而血崩止。又用補中益氣。加炮薑、茯苓。半夏而元氣復。更用歸脾湯。逍遙散。調理而康。

附方

藏靈仙散 治冷氣血滯。兩脇作痛。方見前

人參紫荊皮散 治心腹刺痛。胸膈飽滿。不進飲食。

紫荊皮

蒼朮

石菖蒲各一兩

香附子二兩

人參半兩

木香二錢

右爲末。米糊丸。桐子大。每服三十丸。食後薑湯下。

左金丸一名四金丸

治肝火胸腹脹痛。或發寒熱。或頭目作痛。或大便不實。或小便

淋秘。或小腹疼痛。及一切肝火之症。

黃連炒六兩

吳茱萸片一兩湯煮時用

右為末。粥丸。白米陳皮湯下。

當歸龍薈丸 治肝經實火。胸脇脹痛。或大便秘結。小便澀滯。凡屬肝經實火者

宜用之。

當歸 龍膽草炒焦 梔子仁炒 黃連炒

黃芩炒一兩各 大黃炒 蘆薈 青黛各五錢

木香五分錢 麝香另研五分

右為末。用神麩糊丸。桐子大。每服二十九。薑湯下。

補肝散 治肝脾二經氣血虧損。脇脹作痛。或脇脹頭暈。寒熱發熱。或遍身作痛。

經候不調。

山茱萸肉 當歸 五味子炒并 山藥

黃耆炒 川芎 木瓜各半 熟地黃自製

白朮炒各錢 獨活 酸棗仁炒各四兩

右為末。每服五錢。棗水煎服。

小柴胡湯方見二十四卷第二論 四物湯 補中益氣湯

六君子湯 三方見二十六卷第六論

六味丸 方見二十四卷第十一論

八珍湯

逍遙散

歸脾湯

加味逍遙散 四方見二十四卷第四論

婦人心腹脹滿方論第十八

婦人心腹脹。由心脾虛損。邪氣乘之。此足少陰腎經之脈。起於足小指。貫腎絡膀胱。入肝肺。出絡於心。若邪搏三經。併結於脾。脾虛則心腹脹滿矣。

愚按前症脾胃虛痞。用六君子湯。脾胃虛寒者。用人參理中湯。鬱結氣滯者。用歸脾湯。肝侮脾土。用六君加柴芍。脾氣壅滯。用平胃散。肺氣壅滯。用紫蘇飲。宿食壅滯。用養胃湯。脾血虛痞。用四物加參朮。右六症當互相參用仍

附治驗 嘔吐心腹
痛第一論

一婦人胸膈不利。飲食少思。腹脹吞酸。或用疎利之藥。反致中滿不食。予以爲脾氣虛而肝木勝。用補中益氣湯加砂仁、香附、煨薑。又以六君子加芍、歸、桔梗而愈。

吳江史。亥年母。久病之後。遇事拂意。忽胸腹脹滿。面目微腫。兩腿重滯。氣逆上升。

言語喘促。所服皆清氣之劑。不效。予曰。此脾肺虛寒也。先用六君子湯一劑。病勢頓減。後用補中益氣。加茯苓、半夏、乾薑二劑。形體頓安。後以七情失調。夜間腹脹。乃以十全大補湯。加木香治之而痊。

附方

白朮散 治脾胃氣滯。心腹脹滿。不欲飲食。

白朮炒 草果 訶子 茯苓

檳榔 桂心各五 陳皮 厚朴薑炒

人參各一錢 甘草炒三

右薑棗水煎服。

愚按前方治胸膈氣滯。飲食內停之良劑。若脾血虛痞。須用四物、參、朮。脾氣虛痞。須用四君、芎歸。

補遺。治心腹脹滿。予常獨用厚朴、薑汁炒。每服五錢。薑七片。水煎溫服。不拘時候。間服沉香降氣湯。得效。此病氣元氣壅實之治法也。

附方

平胃散 治脾氣壅滯。胸腹不利。或飲食不進。停滯嘔吐。

蒼朮

厚朴 薑炒

陳皮 各一錢

甘草 五分

薑棗水煎服。

人參養胃湯 治脾氣壅滯。胸膈不利。或飲食壅滯。胸腹脹悶。或兼外感風寒。頭

痛嘔吐等症。方見二十九卷第九論

四物湯

六君子湯

補中益氣湯 三方見二十九卷第八論

人參理中湯 方見二十九卷第八論

紫蘇飲 方見二十九卷第八論

十全大補湯

歸脾湯 二方見二十九卷第四論

調中益氣湯 方見二十九卷第九論

校註婦人良方 卷七 衆疾門 婦人心腹脹滿方論第十八

校註婦人良方

宋 臨川 陳自明良甫編輯
明 古吳 薛 己立齋補註

鄞縣 曹赤電炳章圈校

卷八

婦人小便淋瀝不通方論第一

婦人淋瀝。由腎虛而膀胱熱也。蓋膀胱與腎爲表裏。主於水。行於腎者。爲小便也。若腎虛則小便頻數。膀胱熱則小便淋瀝。甚則不通。腹脹喘急。當速治之。

愚按前症若膀胱熱結。用五淋散。若脾肺虛熱。用補中益氣湯。加山藥、五味、麥冬。若脾經鬱熱。用加味歸脾湯。若肺經鬱火。用黃芩清肺飲。若肝經濕熱。用龍膽瀉肝湯。血虛。用加味逍遙散。陰虛。用六味丸。加柴胡、山梔。大抵不渴而不利者。熱在下焦血分也。用滋腎丸。渴而不利者。熱在氣分也。用清肺飲。尺脈數而

無力者。陰火盛而陽不能化也。用六味丸、滋腎丸爲主。尺脈浮而無力者。陽氣虛而陰不能生也。用加減八味丸、滋腎丸爲主。

附治驗

一婦人素有前患。內熱體倦。余以爲肝火血少。脾氣虛弱。用八珍湯、逍遙散。兼服月餘而小便利。又用八珍湯而氣血復。

一婦人患前症。面青脇脹。諸藥不應。予以爲肝經氣滯而血傷。用山梔、川芎煎服而愈。

一婦人小便不利。小腹并水道秘悶。或時腹脇脹痛。余以爲肝火。用加味逍遙散。加龍膽草四劑稍愈。乃去膽草。佐以八珍散。加炒黑山梔。兼服而瘥。

石葦湯 治小便實熱。氣滯淋瀝。

石 葦

黃 芩 炒

木 通

榆 白 皮

葵 子

瞿 麥

甘 草 各 五

右薑水煎服。

雞蘇散 治血熱淋瀝。

鷄蘇葉

木 通各二

生地黄

滑石各三

刺薊根一兩

右每服半兩。淡竹葉三七片。水煎。

桃仁煎 治血瘕小便如淋。臍腹脹痛。方見血瘕門第七卷第九論

火府丹 治心經積熱。小便澀及五淋。加甘草各導赤散

生地黄二兩 木通為末 黃芩妙各

右加蜜丸。桐子大。每服三十九。木通煎湯下。

許學士云。一卒病渴。日飲水斗許。不食者三月。心中煩悶。時已十月。余謂心經

有熱伏。與火府丹數服。越二日。來謝云。當日三服渴止。又三服。飲食如故。此本

治淋。用以治渴。可謂通變也。

一方。牛膝一合。水煎。入麝香少許服之。鄞縣耿武尉夢得。其內患淋。下砂石剝剝

有聲。甚為苦楚。一服而愈。

附方

滋腎丸 治熱在血分不渴。而小便不利。或腎虛足熱。腿膝無力。不能履地。又下

校註婦人良方 卷八 衆疾門 婦人小便淋瀝不通方論第一 四

焦陰虛。小便不利。肚腹腫脹。或皮膚脹裂。眼睛突出。此神劑也。

知母酒炒 黃柏酒炒各 肉桂二錢

右各另爲末。水丸。桐子大。每服二百丸。空心白湯下。

黃芩分清飲。治肺熱小便不利。宜用此藥清之。

黃芩炒 山梔炒各

右水煎。腹不利。加鹽豉二十粒。

五淋散。治膀胱有熱。水道不通。淋瀝不出。或尿血如豆汁。或成砂石。或如膏汁。

或熱佛便血。

赤茯苓一錢 赤芍藥 山梔各一錢 當歸

甘草各五分

右入燈心。水煎服。

補中益氣湯方見二十四卷第六論 八珍湯 加味歸脾湯

加味逍遙散三方見二十四卷第四論 龍膽瀉肝湯方見二十四卷第八論 加減八味丸

六味丸二方見二十四卷第十一論

婦人轉脬小便不利方論第二

婦人轉脬。或內熱搏於胞。或忍小便。氣逆於內。以致小腹急痛。不得小便。甚者至死。

愚按前症不問男女。孕婦轉筋。小便不利。命在反掌。非八味丸不能救。餘參前後論主治。

附治驗餘見第十五卷

一婦人小便淋瀝。小腹脹悶。胸滿喘急。諸藥不應。余視爲轉筋之症。用八味丸一服。小便如湧而出。

一婦人因鬱怒。小便滴澁。漸至小腹腫脹。痰咳喘促。余用八味丸煎服。小便卽利而痊。

一婦人素善怒。小便淋瀝不利。月經不調半載矣。或兩脇脹悶。或小腹作痛。或寒熱往來。或胸乳作痛。或咽喉噎塞。或兩脚筋攣。或肢節結核。面色青黃不澤。形氣日瘦。左關弦洪。右關弦數。此鬱怒傷肝脾。血虛氣滯爲患。朝用加味歸脾湯。

以補脾氣。解脾鬱。祛肝火。夕用滋腎丸。生肝散。滋腎水以生肝血。抑肝火。舒筋膜。兼服月餘而愈。

滋腎生肝飲

山藥

山茱萸

肉各一錢

熟地黄

自製二錢

澤瀉

瀉

茯苓

牡丹皮

各七分

五味子

杵炒五分

柴胡

三分

白朮

當歸

甘草

右水煎服。

葱白湯 治氣滯小便不通。腹脹欲死。

橘皮 三兩

葵子 一兩

葱白 一莖

右水煎。分三服。

八味丸 治脬轉小便不通。殊有神效。但世所不用。以致誤人多矣。方見二十四論

滑石散 治脬轉小便數日不通。

滑石 一兩

寒水石 二兩

葵子 一合

右爲末。以水一斗。煮至五升。時服一升。卽利。

又方

亂髮燒灰

葵子

車前子各等分

右爲末。每服二錢。酒調服。

石葦湯

治轉脬小便不通。

前方見

治強忍小便致脬轉尿不利。困篤欲死。

滑石二兩

亂髮灰一兩

右爲末。每服三錢。桃白皮一觔。細切熟杵。入水三盞。絞取汁調服。千金翼用杏仁二十粒去尖皮。麩炒黃嚼細。水送下立通。一方。皂角爲末。吹鼻內取嚏。

婦人小便數方論第二

小便乃腎與膀胱主之。蓋腎氣通於陰。若二經虛而熱乘之。則小便澀滯。虛則頻數也。

愚按前症若肝經火動。用逍遙散。加龍膽草、車前子。膀胱火動。六味丸。加麥門、

五味。肝腎濕熱。龍膽瀉肝湯。鬱傷肝脾。加味逍遙散。加味歸脾湯。肝脾肺氣虛。補中益氣。加麥門。五味。肝經血虛。加味逍遙散。腎氣虛敗。鹿茸散。如不應。用八味丸。

附治驗

一、婦人患前症。小便頻數。日晡熱甚。此肝脾血虛。氣滯而兼溼熱也。用加味逍遙散。加車前子而愈。

一、婦人患前症。發熱煩躁。面目赤色。脈洪大而虛。余謂此血虛發躁。用當歸補血湯。數劑而痊。

一、婦人久患前症。泥屬於火。雜用寒涼止血之劑。虛症悉具。余曰。此脾胃虧損而諸經病也。當補中氣爲主。遂以六君補中二湯兼服。兩月餘。尋愈。

桑螵蛸散 治腎氣虛寒。小便數少。或時頻數。或夜間尤數。

桑螵蛸三十枚炒

鹿茸炙

牡蠣煨

甘草兩二

黃耆炒

右爲末。每服二三錢。食前空心。用薑湯調下。日二服。

縮泉丸 治脬氣虛寒。小便頻數。或遺尿不止。小兒尤效。

烏藥

益智仁等分

右為末。酒煎山藥末為糊。丸桐子大。每服七十九。鹽酒或米飲下。

鹿茸散 治腎氣虛寒。便溺數甚。或夜間頻數遺溺。

鹿茸炙

烏賊魚骨

桑寄生

當歸

龍骨煨各二兩

白芍藥炒

附子炮各三錢

桑螵蛸炙各五錢

右為末。每服二錢。空心并食前。用溫酒調下。作丸服亦可。凡用附子重一兩三四錢。底平頂圓。周圍有瓣者方是。

附方

當歸補血湯

八味丸

六味丸

加減八味丸四方見二十四卷第十一論

逍遙散

加味逍遙散

加味歸脾湯三方見二十四卷第四論六君子湯

補中益氣湯二方見二十四卷第六論

婦人遺尿失禁方論第四

經云。膀胱不利爲癃。不約爲遺溺。乃心腎之氣。失其常度也。故有水道澀而遺者。有失禁而不知自遺者。亦有生產傷膀胱。不時而遺者。有脣寒臍冷。遺而不知者。愚按內經曰。胞移熱於膀胱。則癃溺血。膀胱不利爲癃。不約爲遺溺。注曰。膀胱爲津液之府。水注由之。然足三焦脈實。約下焦而不通。則不得小便。足三焦脈虛。不約下焦。則遺溺也。靈樞經曰。足三焦者。太陽之別也。並太陽之正。入絡膀胱。約下焦。實則閉癃。虛則遺溺。竊謂前症。若肝腎虛熱。挺孔痿痺。用六味丸。如不應。用加味八味丸。陽氣虛憊。膀胱積冷。用鹿茸丸。如不應。用八味丸。若脾氣虛弱。不能禁止。用補中益氣湯。加山藥。山茱。五味。若肺氣虛寒。前湯加附。桂。此症屬虛熱者多。真寒者少。治宜審察。

附治驗遺溺 附小便

一婦小便自遺。或時不利。日晡益甚。此肝熱陰挺不能約制。用六味丸料。加白朮酒炒黑。黃柏七分。知母五分。數劑。諸症悉愈。若誤用分利之劑。愈損真陰。必致不起。

一老婦患前症。惡寒體倦。四肢逆冷。余以爲陽氣虛。先用補中益氣加附子。三劑。

不應。遂以參附湯四劑。稍應。仍以前藥而安。附子計用四枚。人參三觔許。一婦人病愈後。小便出尿。此陰陽失於傳送。名大小腸交也。先用五苓散二劑而愈。又用補中益氣而安。

鹿茸丸 治陽氣虛寒。小便白濁。滑數不禁。或臍腹陰冷。大便不實。

鹿茸炙 椒紅 桂心 附子炮

牡蠣煨 補骨脂炒 石斛 肉蓯蓉酒浸

雞胫胫炙 沉香各一 桑螵蛸錢二

右為末。酒糊丸。桐子大。每服三十九。空心溫酒下。

秘元丹 治陽氣虛。小便不禁。或夜多小便頻數。

白龍骨兩三 訶子十箇 縮砂去皮

右為末。糯米丸。桐子大。每服五十九。空心鹽酒下。

又方。鹿角鎊炒為末。每服三五錢。空心熱酒調下。

又方。雞胫炙為末。每服二三錢。空心酒調下。日二三服。

又方。桑螵蛸、茯神、遠志、菖蒲、人參、當歸、龍骨、龜板為末。臥時。人參湯下三錢。

又方。桑螵蛸酒炒爲末。每服二錢。空心薑湯調下。

附方

六君子湯

補中益氣湯

四方見二十六論

八味丸

加減八味丸

三方見二十四論

參附湯

方見十九論

五苓散

方見二十九論

婦人小便出血方論第五

心主於血。通行經絡。循環臟腑。若得寒則凝澀。得熱則妄行。失其常道。則溢滲於腠。則小便出血也。

愚按前症肝經血熱者。加味道遙散。怒氣血傷者。加味道遙散調髮灰。若肝經風熱者。加味道遙散。送子芩丸。氣血俱虛者。八珍湯送髮灰。膏梁積熱者。清胃散加槐花。甘草。風熱腹痛者。四君子加防風。枳殼。胃氣不能攝血者。補中益氣湯。鬱結傷脾。不能攝血者。濟生歸脾湯。

附治驗

一婦人尿血。因怒寒熱。或頭疼。或脇脹。此脾血虛而肝火盛。用加味逍遙散而血脹止。補中益氣加蔓荊子而頭痛痊。後鬱怒腹痛尿血。仍用前散。加龍膽草。并歸脾治之。將愈。又因傷於飲食。復作心忡不寧。徹夜不寐。仍用前湯而痊。

一婦人尿血。面黃體倦。飲食不甘。晡熱作渴。此脾胃氣虛。不能攝血歸經。用補中益氣。以補胃氣。用歸脾湯。以解鬱結。更用加味逍遙散。以調養肝血而痊。

一婦人小便出血。服四物。蒲黃之類。更加發熱吐痰。加芩連之類。又飲食少思。虛症蜂起。肝脈弦而數。脾脈弦而緩。此因肝經風熱。為沉陰之劑。脾傷不能統攝其血。發生諸臟而然也。予用補中益氣湯。六味地黃丸而痊。

鹿茸散 治勞損尿血。發熱內熱。或寒熱往來。口乾作渴。

鹿茸炙

當歸

熟地黃自製

葵子炒

蒲黃炒

續斷酒炒各等分

右為末。每服二錢。酒調。日三服。

髮灰散 治起居所傷。小便尿血。或忍尿脬轉。臍下急痛。小便不通。又治肺疽心紐。內崩吐血。舌上出血。用亂髮燒灰。本草云能療瘀血通關隔利水道破癰瘕癰腫狐疝刺痛症雜瘡瘰癧脬轉通大小便

止咳嗽
鼻衄

右爲末二錢。以米醋湯調服。

生地黄散 治血熱小便出血。

生地黄二錢 黃芩炒五錢

阿膠炒

柏葉炒各錢

水煎服。

當歸散 治血分有熱小便出血。或時尿血。

當歸 羚羊角鎊

赤芍藥各錢半

生地黄

刺薊葉各一錢

右水煎服。

又方。治血分有熱。用生地黄杵取汁。每用一小盞。日三服。

又方。治血分有熱。小便尿血。用炒蒲黃末。每服二錢。溫酒調下。滾湯亦下。

又方。腎虛。鹿角膠二兩。炙黃爲末。作二服。長流水調。

附方

八珍散

加味逍遙散

歸脾湯三方見二十四論

子芩丸方見十二卷第六論

清胃散方見二十四卷第一論

四君子湯

補中益氣湯二方見二十四卷第六論

婦人大便不通方論第六

夫大便不通者。由臟腑不調。寒熱之氣。結於腸胃。或經水過多。內亡津液。宜用三
腕散。或四物加青皮。或七宣丸。麻仁丸。選而用之。
愚按。前症或大腸津液乾涸。或血虛火燥。不可計其日期。飲食數多。必待腹滿
脹。自欲去而不能者。乃用猪膽汁潤之。若妄服苦寒辛散之劑。元氣愈傷。或通
而不止。或成中痞之症。大抵血虛火燥。用加味逍遙散。氣血俱虛。用八珍湯。燥
藥傷血。用四物。連翹。甘草。剋伐傷氣。用四君。川芎。當歸。內熱作渴。飲湯脈實。用
竹葉黃耆湯。內熱作渴。飲冷脈瀋。用四物送潤腸丸。肝膽剋脾土。而不能輸送。
用小柴胡。加山梔。郁李仁。腸胃氣虛而不能傳送。用補中益氣。加芍藥。厚朴。積
熱而秘結。用清胃散加芍藥。其有熱燥風燥。陽結陰結。皆不宜損中氣。治者審
之。

附治驗

一婦人痰喘內熱大便不通兩月不寐脈洪大重按微細此屬肝肺腎虧損朝用六味丸夕用逍遙散各三十餘劑計所進飲食百餘碗腹始痞悶正前所謂血虛火爍也以猪膽汁導而通之用十全大補湯調理而安

附方

通神散 治大便實熱不通其證心腹脹痛手不得近心胸煩悶而欲飲食者。

- 大黃炒
- 芒硝
- 檳榔
- 桃仁并

郁李仁湯浸去皮酒炒各一兩

右爲末每服二錢粥飲調。

大麻仁丸 治腸胃風結大便常秘而欲飲食者。

- 大麻仁別研如膏
- 大黃炒各二兩
- 檳榔
- 木香

枳殼熟炒各一兩

右爲末入麻仁煉蜜丸桐子大每服二十九溫水下。

皂角丸 治大腸經有風大便秘結而不堅實者。

皂 角炒去

枳 殼等分

右為末。煉蜜丸。桐子大。每服七十九。空心米飲下。

蘇麻粥 順氣滑腸。用紫蘇子、麻子仁。水研取汁。煮粥食之。

潤腸丸 治伏火風熱。大腸乾燥。若因失血。或因腎虛。當滋腎水。最忌此丸。

麻子仁

桃 仁去皮尖另 羌 活

當歸尾

大 黃煨

皂角仁

秦 芫各五

亦忌前藥。右另研為末。煉蜜丸。每服五十九。空心白湯送下。如直腸乾澀。用猪膽汁導之。

附方

加味逍遙散

八珍湯二方見二十四卷第四論

補中益氣湯

四物湯

四君子湯三方見二十四卷第六論

竹葉石膏湯方見二十四卷第三論

小柴胡湯

方見二十四卷第三論

清胃散方見二十四卷第一論

瘡科竹葉黃耆湯方見二十四卷第四論

婦人老弱風人便秘戒用利藥方論第七

校註婦人良方 卷八 衆疾門 婦人老弱風人便秘戒用利藥第七一七

初虞世云。肺主氣。肺氣不降。則大腸不能傳送。宜用杏仁、枳殼、訶子等藥。若老弱風人。津液短少。大便秘澀。用胡麻、杏仁、麻仁、阿膠、皂角之類。每見用駛利之藥。大便雖通。精血復傷。反致他病。一男子。病風淫末疾。或用駛藥利之。患肺痿。咯膿血。至大便不通而死。惜哉。

愚按前症若胃強脾弱。津液不得四布。但輸膀胱。小便數而大便難者。用脾約丸。若陰血枯槁。內火燔灼。脾肺失傳。大便秘而小便數者。用潤腸丸。此丸若用之於熱甚氣實。與西北稟厚者。無有不效。若用於東南及虛熱而氣血不足者。則脾愈弱而腸愈燥。反致虛痞矣。此東垣先生之治法也。其搜風順氣丸。中貴及西北人用之多效。東南人用之。無不致害。

附治驗

一老婦大便欲去而難去。又不堅實。腹內或如故。或作脹。兩關尺脈浮大。余以爲腸胃氣血虛弱。每服十全大補湯。加肉蓯蓉。去後始快。若間二三日不服。腹內仍脹。大便仍難。

搜風順氣丸 治痔漏腸風。風熱閉結。元氣充實者。

車前子五錢

大麻子微炒

大黃五錢半熟

牛膝酒浸

郁李仁湯泡

兔絲子酒浸蒸晒為末

枳殼麸炒

山藥各一錢

右為末。煉蜜丸。桐子大。每服二十九。空心白湯送下。

子和脾約丸

麻仁一兩二錢半

枳殼麸炒

厚朴薑製

芍藥各一

大黃四兩蒸

杏仁去皮尖炒一兩二錢

右為末。入杏仁膏煉蜜丸。桐子大。每服三十九。空心用滾湯送下。內杏仁研爛。

婦人泄痢祕結方論第八

經云。春傷於風。夏必飧泄。蓋木刑土也。土不能滲泄。則木氣勝。故津液燥而祕。不可專以風治。張氏母年七十。患痢頻數。腰脚拘攣。百方不愈。用蒺藜、酸棗仁治之。即愈。黃魯直苦祕結。亦用前藥而愈。故受症有不同也。

愚按。前症若因足三陰虧損。發熱作渴。胸膈不利。飲食善消。面帶陽色。脈洪而

虛。肢體倦怠者。用補中益氣湯。六味地黃丸。脾肺氣虛。補中益氣湯。脾經鬱結。用加味歸脾湯。氣血俱虛者。八珍加肉蓯蓉。腎經津液不足者。六味地黃丸。胃火消鑠。津液。竹葉黃耆湯。肝木侮脾土。小柴胡加山梔。郁李仁。枳殼。膏粱積熱。清胃散。加山梔。郁李仁。枳殼。若燥在直腸。用猪膽導之。

附治驗

一老婦大便。月餘不通。痰喘內熱。不得就枕。脈洪大。重按細微。朝用六味丸。夕用逍遙散。各五十餘劑。計進飲食百餘碗。小腹始悶。此火燥而消鑠也。以猪膽汁潤之。用十全大補而安。後仍不通。用八珍倍加蓯蓉常服而通。

治風人大便秘

皂莢子三百粒破作兩片慢火炒燥入酥
康大又炒燥又入酥至焦黑爲度

右爲末。蜜丸。桐子大。每服三十九丸。煎蒺藜酸棗仁湯。空心下。良久未利再服。漸加至百丸。以通爲度。

蒺藜湯。用蒺藜炒杵去刺三兩。酸棗仁炒香一兩。每用五錢。水一盞。煎七分。去滓。送下前丸。

大五柔丸 治臟氣不調。大便難利。或爲秘結堅硬。

大黃 飯上蒸

枳殼 去穰炒

白芍藥 末

葶藶 炒爲末

牛脂 熬油

茯苓 酒浸焙

桃仁 百枚去皮尖研

杏仁 四十枚去皮尖研炒黃別杵

右和勻。煉蜜丸。桐子大。米飲下三十丸。日三服。以利爲度。

二仁丸 安康郡太守苦風秘。予處此方。用之甚效。

杏仁 去皮尖

麻仁 別研

枳殼 去穰炒爲末

訶子 炒去核爲末

右用煉蜜丸。桐子大。每服二三十丸。溫水下。未利增之。

蜜導法 用好蜜四五兩。石器中微火熬。不住手攪。候可丸。以蛤粉塗手。捏如指。

長三寸許。入大孔內。以手掩良久。卽通。未通再作。文潞公泄利。求速效。用石脂。

龍骨等藥。便秘累日甚苦。余告曰。此燥糞在直腸。藥所不及。請以蜜導之。下結

糞四五十枚而愈。

通氣散 治虛人憂怒。以致傷肺與大腸。不能傳送。

陳皮

蘇葉

枳殼 炒

木通 各一

用水煎服。

皂角丸、蘇麻粥亦佳見前

附方

補中益氣丸方見二十四卷第六論 六味丸方見二十四卷第十一論

加味歸脾湯

八珍湯

逍遙散

加味逍遙散

十全大補湯五方見二十四卷第四論 竹葉黃耆湯方見二十四卷第二論

小柴胡湯方見二十四卷第二論

清胃散方見二十四卷首論

婦人泄瀉方論第九

論曰。泄瀉之症。因腸胃虛冷而邪氣乘之。經云。春傷於風。夏必飧泄。蓋氣傷肝。肝木旺而尅脾土。屬外因也。若七情不平。脾氣受傷。屬內因也。若飲食生冷傷脾。屬不內外因也。大法寒者溫之。熱者涼之。滑者澀之。溫者燥之。

愚按前症若生冷所傷。用六君、木香、砂仁、辛熱所傷。用二陳、炒連、山梔。麵食所傷。用六君、神麩、米食所傷。用六君、穀蘖。飲食不時而傷。用四君子湯。飲食過多

而傷。用六君子湯。飲食停滯。人參養胃湯。脾氣虛弱者。六君。升麻。柴胡。脾氣虛寒。六君。木香。炮薑。肝木乘脾者。六君。柴胡。芍藥。肝火尅脾者。六君。芍藥。山梔。中氣虛而下陷者。補中益氣湯。鬱結傷脾者。濟生歸脾湯。腎氣虛者。五味子散。脾氣虛者。二神丸。脾腎虛者。四神丸。命門火衰者。八味丸。真陽虛敗者。固真丸。仍與滯下方參用。

附治驗

侍御沈東江之內。停食腹痛作瀉。以六君加木香。炮薑而愈。後復作。傳爲腎泄。用四神丸而安。

侍御徐南湖子室。瀉屬腎經。不信余言。專主滲泄。以致不起。一婦人年五十。不食。夜飯。五更作瀉。二十年矣。後患痢。午前用香連丸。午後用二神丸。各二服而痢止。又用二神丸數服。而食夜飯。不月而形體如故。

吳江史玄年母。素有血疾。殆將二紀。年居泄瀉。飲食少思。面黃中滿。夏月尤甚。治血之藥。無慮數百劑。未嘗少減。余以爲脾腎虛損。用補中益氣湯。送二神丸。復用十全大補湯。煎送前丸。食進便實。病勢頓退。若泥中滿。忌參。朮。痰痞。忌熟地。

便泄忌當歸。皆致誤事。

桂香丸 治虛寒滑泄腹痛。或嘔吐不食。手足逆冷。

附子炮

肉荳蔻炮

丁香

桂心

白茯苓各一兩

木香炮

白乾薑炮各半兩

右爲末。米糊丸。桐子大。每服五十九。空心米飲下。

胃苓散 治脾胃所傷。吐瀉不止。水穀不分。卽五苓散合平胃散。

右每服五七錢。用薑棗水煎。空心服。仍節飲食。

木香散 治臟腑虛寒。下泄米穀。口舌生瘡。或嘔吐不食。

木香煨

破故紙炒各一兩

良薑

縮砂炒

厚朴製各三錢

赤芍藥炒

桔紅

桂心

白朮各半兩

胡椒

吳茱萸炮各一錢

肉豆蔻煨

檳榔一錢

右爲末。每服三錢。用猪肝四兩。批薄。以藥摻拌。量入水醋鹽葱薑。煮乾。空心頓食。或丸。桐子大。每服百丸。粥飲下。日三服。

府傳趙宜人患泄瀉。諸藥無效。診之曰。此肝腎虛也。服前散而愈。經曰。洩痢前後不止。腎虛也。又曰。諸厥固泄。皆屬於下。下謂下焦。肝腎之氣也。門戶束要。肝之氣也。肝氣厥而上行。故下焦不能禁固而泄痢。腎為胃關。門戶不要。故倉廩不藏也。

香連丸 治痢疾。并水瀉暑瀉腹痛。不問赤白神效。

黃

連淨二兩

吳茱萸

去枝梗十兩

右先將二味。用熱水拌和。入磁器內。置熱湯頓一日。同炒至黃連紫黃色。去茱。用連為末。每末四兩。入木香末一兩。淡醋米飲為丸。桐子大。每服二三十丸。滾湯下。久痢中氣下陷者。用補中益氣下。中氣虛者。用四君子下。中氣虛寒者。加薑桂。

三黃丸 治熱痢腹痛。或口舌生瘡。咽喉齒痛。及一切虛火之症。

黃

芩

黃

連

黃

柏

各等分炒

右各另為末。米糊丸。桐子大。每服七八十九。白湯下。

芍藥湯 治熱痢便血後重。經曰。澁而便膿血。此氣行而血止也。行血則便膿自

愈。調氣則後重自除。

芍藥兩一

當歸

黃連兩各

檳榔

木香

甘草二錢各

桂二錢

黃芩錢五

右每服半兩。水煎。如不減。加大黃。此症多有因中氣虛弱。脾氣鬱結者。治當審察。

二神丸加五味兩各四神丸治脾腎虛弱。侵晨五更作瀉。或全不思食。或食而不化。

大便不實神效。

破故紙兩

肉豆蔻二兩

右為末。用大紅棗四十九枚。生薑四兩。切碎。同棗用水煮熟。去薑。取棗肉。和藥

丸。桐子大。每服五十丸。空心鹽湯下。

五味子散 治腎經虛弱。大便不實。或夜間或五更泄瀉。

五味子兩二

吳茱萸半兩

右為末。每服二錢。空心米飲調下。其效如神。米糊為丸。亦可。

白朮芍藥湯 治脾經受濕。水泄注下。後重腹滿。形體倦怠。不欲飲食。或暴泄無

數。水穀不化。

白朮炒

芍藥炒各二錢

甘草炒一

用水煎服。

茯苓湯 治濕熱泄瀉。或飲食傷瀉。

白朮炒

茯苓各五錢

右用水煎。食前服。一方有芍藥等分。各白朮散。

滲濕湯 治寒濕所傷。身重腰冷。如坐水中。或小便祕澀。大便塘泄。此症多因坐

臥濕地。或陰雨所襲而致。

蒼朮炒

白朮

甘草炒各一兩

乾薑

茯苓各二兩

陳皮一兩

丁香各二錢半

右每服四五錢。棗水煎。

防風芍藥湯 治飧泄身熱。脈弦腹痛及頭痛。

防風

芍藥炒

黃芩炒各二錢

用水煎服。

六君子湯

四君子湯

補中益氣湯三方見二十卷第六論

人參養胃湯方見七卷第十八論

十全大補湯

濟生歸脾湯四方見二十四卷第四論

八味丸方見二十四卷第十一論

東垣補真丸方見七卷第三論

婦人協熱下痢方論第十

論曰。下痢赤黃。米穀不化。作渴嘔逆。小便不利。心胸煩躁。脈虛大而數。此胃經虛熱。津液不分。併於大腸所致。先用五苓散。次用玉粉丹。四味阿膠丸主之。

愚按前症若胃氣虛弱。用補中益氣湯。肝木侮脾土。用六君子湯。鬱結傷脾土。用歸脾湯。命門火衰。用八味地黃丸。餘參各論主之。

附治驗

一婦人五月間患痢。日夜無度。小腹墜痛。發熱惡寒。余以為脾氣虛弱。用六君子湯送香連丸。二服漸愈。仍以前湯送四神丸。四服全愈。至七月終。怠惰嗜臥。四肢不收。體重節痛。口舌乾燥。飲食無味。大便不實。小便頻數。灑淅惡寒。悽慘不樂。此肺脾腎虛而陽氣不伸也。用升陽益胃湯而痊。

玉粉丹

蛤粉

硫黃等分

右爲末。米糊丸。桐子大。每服五十九丸。用米飲下。

四味阿膠丸

黃連炒

赤茯苓二兩

芍藥炒三兩

阿膠炒一兩

右爲末。以醋丸。桐子大。每服三十九丸。食前米飲下。

附方

補中益氣湯

六君子湯

二方見二十四卷第八論

歸脾湯

方見二十四卷第四論

八味丸 方見二十四卷第十一論

婦人滯下方論第十一

經云。春傷於風。夏生飧泄。蓋風喜傷肝。然春時肝木反尅脾土。以致滯下赤白。裏急後重。先服神朮散。次用五苓散之類。煩渴腹痛。小便赤澀。脈洪數爲熱。用白頭翁湯之類。脈虛弱爲伏暑。用香薷散之類。如風邪下血。用胃風湯。腹痛嘔逆。手足

俱冷。六脈微細。爲臟腑虛寒。急服四順附子湯。灸氣海。丹田二穴。久痢腸滑。用理中湯。加肉果。訶子。或十全大補湯。加木香。肉果之屬。若一方一郡所患相類者。乃屬疫症。

愚按東垣云。太陰經受濕。水瀉變膿血。脾傳於腎者。謂之賊邪。難愈。先痢而後瀉者。謂之微邪。易痊。若厥陰經下痢。脈沉微。手足厥逆。用麻黃小續命湯汗之。若身冷自汗。小便自利。脈微嘔吐。用漿水相溫之。若脈疾身動。下迫聲響。用白朮芍藥湯。脈沉身靜。飲食不入。用薑附湯。身體沉重。四肢不舉。用朮附湯。竊謂前症者。飲食停滯。用六君子湯。以補脾胃。消飲食。若胃氣下流。用補中益氣湯。以補脾腎。升元氣。若風傷腸胃。宜用神朮散。以補脾胃。解外邪。若痰積中焦。宜用六神丸。以補脾胃。化痰滯。大凡脾胃虛弱。宜補中氣。調飲食。

附治驗

一老婦食後。因怒患痢。裏急後重。肛門脫下。此脾氣下陷。用大劑六君。加附子。肉桂。煨木香。各一錢。吳茱萸五分。骨脂。五味。各一錢五分。二劑。諸症悉退。惟小腹脹悶。此肝氣滯於脾也。與調中益氣。加附子。木香五分。四劑而愈。後口內覺鹹。此

腎虛水泛。與六味地黃丸。二劑頓愈。又以飲食失宜。大便不實。四肢逆冷。此脾胃復傷。與六君加附子五分。及八味丸而愈。

先太宜人。仲夏患痢腹痛。去後無度。煩渴飲湯。手按腹痛稍止。脈鼓指而有力。此真氣虛而邪氣實也。急用人參五錢。白朮茯苓各三錢。陳皮炙草附子升麻各一錢。服之即睡覺而索食。脈症頓退。再劑而安。此取症不取脈也。其時同患是症。服痢藥者。俱致不起。惜哉。

神朮散 治春傷於風。夏生飧泄。或傷風頭痛。項背拘急。鼻流清涕。

蒼朮錢炒二 藁本 川芎錢各一 羌活

粉草炒五分 細辛五分

右用薑水煎服。欲發汗。加蔥頭。

四順附子湯

生附子去皮 白乾薑炮 甘草炒 人參各一兩

右每服四五錢。水煎。吐瀉腹痛。加肉桂半兩。小便不利。加茯苓半兩。若體寒自汗。手足逆冷。六脈虛弱。背寒面垢。或面如塗油。齒乾煩悶。躁渴引飲。此為伏暑。

宜用小柴胡湯、五苓散、酒蒸黃連丸。

加減參附湯 治寒痢陽氣脫陷。嘔吐不食。手足俱冷。

大附子炮 大人參錢各二 丁香香 五

右用薑十片。米一撮。水一鍾。煎服。如不應。再加之。

治禁口痢甚妙。石蓮肉為末。每服二錢。陳米飲調下。

又方。乾山藥半生半炒。黃為末。不拘時。用米飲調下。

附方

胃風湯 治風冷乘虛。客於腸胃。以致水穀不化。泄瀉注下。或腸胃濕毒。下如豆

汁。或下瘀血。

人參 白茯苓 芎藭 肉桂

當歸 白芍藥炒 白朮炒 各

右每服三二錢。入粟米數粒。水煎。空心。食前熱服。

水煮木香丸 治久痢裏急後重。日夜無度。其效如神。

罌粟殼去穢 青皮去白 甘草炒 訶子炮 各二

當歸 木香各六兩

右爲末。煉蜜丸。彈子大。每服一丸。水煎化。空心服。

戊己丸 治胃經受熱。泄痢不止。或飲食不入。腹痛不止。

黃連炒 吳茱萸炒去梗 白芍藥各五兩

右爲末。麵糊丸。桐子大。每服三十九丸。米飲食前下。

真人養臟湯 治下痢赤白。裏急後重。腹痛脫肛。

粟殼炙三兩六錢 人參六錢 白朮六錢 肉桂入錢

當歸六錢 訶子皮二錢 木香煨二兩四錢 肉豆蔻煨半兩

白芍藥炒一兩 甘草炒一兩八錢

右每服四錢。用水煎。臍寒加附子一兩。

升陽除濕防風湯。如大便閉塞。或裏急後重。數至圜而不能便。或有白膿。或兼下

血。此鬱結而不通也。以此湯舉其陽。則陰氣自降矣。慎勿利之。

蒼朮米泔浸四錢 防風二錢 白朮炒 白茯苓

白芍藥炒各一錢

先將蒼朮用水一鍾半煎至一鍾內諸藥同煎至八分食前熱服。夫飲食入胃其氣上升。輸精心肺。然後下降。若脾胃有傷不能上升。下流腎肝而成泄利。法宜升補中氣不可疎下。此東垣發前人所未論也。

調中益氣湯 夫脈弦洪緩而沉。按之中下不得一瀋。其證四肢滿閉。肢節煩疼。難以屈伸。身體沉重。煩心不安。忽肥忽瘦。四肢懶倦。口失滋味。大小便清利而數。或上飲下便。或大便澀滯。夏月飧泄。或便後見血。或下白膿。胸滿短氣。咽膈不通。嗜睡無力。飲食少思。方見四卷第五論

麻黃續命湯

防風

杏

仁去皮尖

麻

黃去節

人

參

黃芩炒

甘

草

芍

藥炒

防

己

肉桂各一兩

附

子炮去皮

右每服半兩。用薑水煎。

白朮芍藥湯 治太陰脾經受濕。水泄注下。體重微滿。困弱無力。不欲飲食。或暴泄無數。水穀不化。宜此湯和之。

白朮

每服一兩水煎。

芍

藥炒一兩

甘草錢五

漿水散。治暴利如水。周身汗出。一身盡冷。脈微而弱。氣短難言。甚者

惡病。急用此藥。緩則不救。

半夏炮洗一兩

附子半兩

乾薑一作乾

肉桂

甘草炙各五錢

良薑二錢五分

右爲末。每服三五錢。漿水煎。和滓熱服。不應加之。

薑附湯。治霍亂轉筋。手足厥冷。或吐逆身冷。脈微急。用此藥救之。

乾薑一兩

附子生一個

每服半兩水煎。

朮附湯。治下痢脾氣脫陷。脈體不動。汗出身冷。氣短喘急。或嘔吐不食等症。須

急用之。

白朮

生附子須用好者

右爲末。每服五錢。薑棗水煎。和滓服。如不應。倍用之。

六神丸 治食積赤白痢疾。或腹痛不食。或久而不止。

神 麩爲糲 麥 芽炒 茯苓 枳 殼麵炒

木 香 黃 連妙赤各等分

右爲末。用神麩糊丸。桐子大。每服五十九。白湯送下。

香連丸方見前 六君子湯 補中益氣湯二方見二十四卷第六論

五苓散方見二十一卷第十論 六味丸 八味丸二方見二十一卷第十一論

婦人痢後嘔噦方論第十一

滯下咳逆嘔逆。古人謂之噦。此胃氣虛寒之危症也。用橘皮乾薑湯。半夏生薑湯。丁香柿蒂湯。熱證效逆。用小柴胡湯。橘皮竹茹湯。嘗治一痢咳逆。脈沉弱。投退陰散。兩服而愈。又一痢後咳逆。灸期門穴三壯而愈。其穴在第六

愚按東垣云。如泄痢而嘔者。胃氣不利也。上焦不和。用生薑橘皮湯。中焦不和。用芎歸桂苓。下焦不和而寒。治以輕劑。熱甚而治以重劑。亦有胃火上衝而嘔者。有積滯而嘔者。有陰虛而嘔者。丹溪云。下痢吃逆。自下衝上。屬火之象。古方

悉以胃弱言之。殊不知胃弱者。脾陰弱也。故久病變之。乃胃弱脾寒之危症。用半夏一兩。生薑半兩。或理中湯加枳殼、茯苓、半夏。不效。更加丁香、柿蒂各十枚。胃熱咳逆。用橘皮竹茹湯。別病忽然而致。半夏茯苓湯加枳實、半夏。木香調氣散最佳。

附治驗

一婦人痢後嘔噦。服降火化痰等劑。愈甚。脈洪大。按之虛細。作渴飲湯。諸藥到口。即嘔。余以爲脾胃虛寒。不能司納。以參朮炮薑末各一錢。以飯作丸。米飲不時。過三五粒。至三兩許。問藥不嘔。乃以六君加炮薑三十餘劑而安。

一婦人患前症。飲食少思。胸腹膨脹。大便不實。所見之症。悉屬虛寒假熱。遂朝用補中益氣湯加炮薑、木香。夕用六君子送四神丸。漸愈。又用八味丸料煎送四神丸而痊。

一婦人因怒嘔噦。時或昏憤。口噤。或時舉體肉動。其面色或青或赤。余以爲肝火熾盛。脾土受侮。用小柴胡湯加山梔、鉤藤治之。漸愈。又用加味歸脾、逍遙二藥。調理而痊。

橘皮乾薑湯 治胃寒嘔噦不食。或吐痰腹痛兼瀉。

橘皮

通草

乾薑

桂心

甘草炒一錢

人參各一錢

右水煎服。

橘皮竹茹湯 治噦逆。

橘皮二錢

竹茹

甘草炒

人參

半夏各一錢

右薑棗水煎。

猪苓湯 治咳而嘔渴。心煩不得眠。

猪苓

赤茯苓

澤瀉

阿膠炒

滑石各一錢

右水煎服。

半夏湯 治噦欲死。

半夏一兩

生薑切二

用水煎爲二服。

丁香柿蒂湯 治欬逆。

丁香 香十粒

柿蒂 十五

用水煎。熱服。

生薑橘皮湯 治嘔噦手足厥冷。

橘皮 一錢

生薑 四錢

用水煎服。

退陰散 治陰毒傷寒。手足逆冷。或咳逆不止。脈沉細。頭痛腰重。急進三服。若傷

冷。每服一字。入正元散內同煎。入鹽一捻。

乾薑 炮

川烏 各炒等分

每服一錢。鹽一捻。水煎。

倉廩湯 治痢疾心煩。手足溫。頭痛。此熱毒上衝。宜用此湯。卽敗毒散。每服四五

錢。入陳倉米百粒。薑五片。棗一枚煎。若脈微弱。或胸腹虛脹。手足厥冷。或因服

罌粟烏梅過多。以致作嘔者。宜用山藥半生半炒爲末。米飲調下。日二三服。

附方

木香調氣散 治氣滯嘔吐。或胸膈不利。心腹刺痛。飲食不思。

木香

白豆蔻

丁香

檀香

各二兩

麝香

甘草 妙各六兩

砂仁

仁 四兩

右爲末。每服一錢。白湯調服。

半夏茯苓湯 方見十二卷第三論

補中益氣湯

竹葉石滑湯

六君子湯 三方見二十四卷第六論

八味丸 方見二十四卷第十一論

婦人大便下血方論第十二

婦人臟腑損傷。風邪所入。以致大便下血。或如豆汁。或腹中作痛。若糞後下血。其來遠。糞前下血。其來近。遠近者。言病在上下也。若面無血色。時寒時熱。脈浮弱。按之如絲者。是前症也。

愚按前症或飲食起居。或六淫七情失宜。以致元氣虧損。陽絡外傷。若膏粱積熱。加味清胃散。怒氣傷肝。六君柴芍芎歸。鬱結傷脾。加味歸脾湯。脾氣虛弱。六

君子湯。思慮傷心。妙香散。大腸風熱。四物。側柏。荆防。枳殼。大腸血熱。四物。丹皮。柴胡。中氣下陷。補中益氣。茯苓。半夏。心脾不能攝血。必補脾肺之源。舉下陷之氣。

附治驗

一婦人下血不已。面色痿黃。四肢畏冷。此中氣下陷。用補中益氣湯。送四神丸。數服而愈。

光祿張淑人。下血煩躁。作渴。大便重墜。後去稍緩。用三黃湯。加大黃至四兩。方應。後用三黃湯。又二十餘劑而愈。此等元氣。百中一二。韓地宮之內。脾胃素弱。因飲食停滯。服尅伐之劑。自汗身冷。氣短喘急。腹痛便血。或用諸補劑。皆不應。余用人參。炮附子各五錢。二劑稍應。却用六君子。每劑加炮附子三錢。四劑漸安。又用前湯。每加附子一錢。數劑乃瘥。

一婦人因怒胸痞。飲食少思。服消導利氣之藥。痰喘胸滿。大便下血。余用補中益氣。加茯苓。半夏。炮薑。四劑諸症頓愈。又用八珍。加柴胡。炒梔。全愈。

一婦人瘀血腹痛。便血。見前。

加減四物湯 治腸風下血。

側百葉炒

荆芥

槐花炒

甘草五炒各

枳殼麸炒

生地黄

當歸

川芎各一錢

右薑水煎。

腸風黑神散 治腸風下血。腸疼後重。或肛門脫出。

敗棕燒

木饅頭燒

烏梅去核

粉草一錢

水煎服。

愚按前二症。若病久中氣虛弱者。必用培補脾胃為主。

地榆湯 陰結便血。駱龍吉方

地榆四兩

甘草兩半

縮砂仁七粒

每服三錢。水煎。

防風如神散 治風熱氣滯。糞後下血。

防風

枳殼麸炒各

每服三錢。水煎。

愚按前二症若胃氣虛不能統血而下用四君中氣下陷用補中益氣湯脾氣鬱結用歸脾湯氣血虛弱用八珍湯氣血虛寒用十全大補湯治久下血成片用頭髮燒灰每服一二錢水調下妙香散治心氣下血溫酒調下

附方

加味清胃散

方見二十四卷第六論

四君子湯

六君子湯

四物湯

補中益氣湯

四卷見二十四卷第六論

八珍湯

加味歸脾湯

二卷見二十四卷第四論

二神丸

四神丸

三黃丸

三方見前第八論

婦人痔瘻方論第十四

婦人痔瘻因鬱怒風熱厚味膏粱所致其各有五肛邊如乳出膿者為牝痔腫脹出血者為牡痔痔痛者為脈痔腫核者為腸痔登廁出血者為血痔治宜審之愚按前症婦人多因胎產經行飲食起居六淫七情失調所致男子多因醉飽

入房筋脈橫解。精氣脫泄。熱毒乘虛而患。或入房強固其精。不乘火勢而侮金。或多博厚味。陰虛濕熱。宜涼血潤燥。疎風潰後。當養元氣。補陰精。不愈。即成痔漏。有串臀。串陰。穿腸者。其腸頭腫塊者。濕熱也。作痛者。風也。便燥者。火也。潰膿者。熱勝血也。大便作痛者。潤燥除濕。肛門墜痛者。瀉水導濕。小便瀼滯者。清肝導濕。經云。因而飽食。筋脈橫解。腸澀為痔。症屬肝腎不足。故用加味地黃及六味丸。有效。慎勿數毒藥。及服寒涼之劑。

驚甲散 治五種痔漏。膿血淋漓。或腫痛。堅硬下墜。

驚甲

露蜂房

蛇蛻

蝟皮

猪後懸蹄五味燒存性各二錢

麝香一分

右為末。每服一錢。空心。生地黄煎湯調下。更傳之。

又方。熱痛。用寒水石。朴硝為末。以津調搽。

附方

六味丸方見二十四卷第十一論

加味地黃丸方見二十四卷第六論

婦人脫肛方論第十五

也。夫脫肛者。大腸之候也。大腸虛寒。其氣下陷。則肛門翻出。或因產努力。其肛亦然。

愚按前症。若大腸濕熱。用升陽除濕湯。若血熱。用四物。條芩。槐花。血虛。用四物。白朮。茯苓。兼痔痛。用四物。槐花。黃連。升麻。中風虛弱。用補中益氣。芍藥。白朮。中氣虛寒。加半夏。炮薑。五味。腎虛。用六味丸。虛寒。用八味丸。夫肺與大腸爲表裏。肛者大腸之門。肺實熱則祕結。肺虛寒則脫出。腎主大便。故肺腎虛者。多有此症。

附治驗

一婦人脫肛。用補中益氣。加味歸脾各百餘劑而愈。後因分娩復脫。仍以前藥各二百餘劑始愈。

姚和衆以鐵粉傅之良。聖惠方亦治
陰脫陰腫

集驗方。以生鐵三斤。水一斛。煮至五升。取水洗。日二次。

一方。用五倍子煎湯洗。以赤石脂末。摻上托入。或脫長者。以兩床相並。中空尺許。以磁瓶盛湯。令病人仰臥。浸瓶中。逐日易之。收盡爲度。

附方

升陽除濕湯 自下而上者引而竭之。

升麻

柴胡

防風

神麩炒

澤瀉

猪苓各半

蒼朮一兩

陳皮

甘草炙

大麥蘗各三錢

右每服五錢。水煎。空心服。胃寒腸鳴。加益智仁。半夏各半錢。薑棗同煎。

四物湯

補中益氣湯二方見二十六論六味丸

八味丸

二方見二十六論 卷第十一

婦人陰腫方論第十六

婦人陰腫。因胞絡素虛。風邪客之。乘於陰部。血氣相搏故也。

愚按前症若氣血虛弱。用補中益氣湯。舉而補之。肝經濕熱。用龍膽瀉肝湯。滲而清之。若陰腫陰癢。陰冷陰挺。當與後論互相參看。

附治驗

一婦人陰中腫悶。小便瀦滯。兩脇作腫。內熱晡熱。月經不調。時或寒熱。此因肝脾鬱怒。元氣下陷。濕熱壅滯。朝用歸脾湯。加柴胡、升麻、解鬱結、補脾氣、升元氣。夕用加味逍遙散。清肝火、生肝血、除濕熱。各數劑。諸症悉愈。又用四君、芎歸、丹皮、調補肝脾而經水如期。

菖蒲散 治月水瀦滯陰間腫痛。

菖 蒲 當 歸 各一 秦 朮 二兩

右每服五錢。入葱白水煎。

白礬散 治陰腫堅痛。

白 礬 半兩 甘 草 半錢 大 黃 一兩

右為末。水和。用棗大綿裹。內陰中。日兩換。以愈為度。

附方

補中益氣湯方見二十四卷第六論 龍膽瀉肝湯方見二十四卷第八論

婦人陰癢方論第十七

婦人陰癢。爲三蟲在腸胃之間。因臟虛而蝕陰中。微則爲癢。甚則爲痛也。

愚按前症屬肝經所化。當用龍膽瀉肝湯。逍遙散。以主其內。外以桃仁研膏。和雄黃末。或鷄肝納陰中。以制其蟲。

附治驗

一婦人胸膈不利。內熱作渴。飲食不甘。肢體倦怠。陰中悶癢。小便赤澀。此鬱怒傷脾。肝所致。用歸脾湯加山梔而愈。復因怒。患處并小腹痛。用小柴胡加山梔。芎歸芍藥。痛止。用逍遙散加山梔而愈。又因勞役。患處腫脹。小便仍澀。用補中益氣。加山梔。茯苓。丹皮而安。

一婦人陰內痛癢。不時出水。食少體倦。此肝脾氣虛。濕熱下注。用歸脾湯。加丹皮。山梔。芍藥。柴胡。生草主之而安。

一婦人陰內痛癢。內熱倦怠。飲食少思。此肝脾鬱怒。元氣虧損。濕熱所致。用參耆。歸朮。陳皮。柴胡。炒梔。車前。升麻。芍藥。丹皮。茯苓。而瘥。若陰中有蟲癢痛。亦屬肝木。以桃仁。雄黃。研。納陰中以殺之。仍用清脾解鬱之藥。有以鷄肝納之者。乃取蟲之法也。

又方。搗新桃葉棉裹。納陰中。日三兩易。

龍膽瀉肝湯方見二十四卷第八論 逍遙散方見二十四卷第四論

婦人陰冷方論第十八

婦人陰冷。因勞傷子臟。風冷客之。用五加皮、乾薑、丹參、蛇床子、熟地黃、杜仲各三兩。鍾乳粉四兩。天門冬一兩。地骨皮二兩。酒十五升。漬二宿。每服一盞。空心。食前飲之。

愚按。前症屬肝經內有濕熱。外乘風冷所致。若小便澀滯。或小腹痞痛。用龍膽瀉肝湯。若內熱寒熱。或經候不調。用加味逍遙散。若寒熱體倦。飲食少思。用加味四君子。若鬱怒發熱。少寐懶食。用加味歸脾湯。

附治驗

一婦人陰中寒冷。小便黃濇。內熱寒熱。口苦脇脹。此因肝經濕熱。用龍膽湯祛利濕熱。用加味逍遙散調血氣而安。

一婦人所患同前。更寒熱嘔吐。兩股腫痛。先用小柴胡加山梔一劑。寒熱嘔吐頓

止。次用龍膽瀉肝湯一劑。腫痛頓消。

一婦人陰中寒冷。小便澄清。腹中亦冷。飲食少思。大便不實。下元虛寒。治以八味

丸。月餘。飲食漸加。大便漸實。又月餘。諸症悉愈。

八味丸 治血弱不能榮養臟腑。津液枯澀。風寒客於子臟。以致陰冷。

愚按。此丸果係肝脾腎虛。殊有神效。

附方

小柴胡湯方見二十四卷第二論 龍膽瀉肝湯方見二十四卷第八論 加味道遙散

加味歸脾湯二方見二十四卷第四論 加味四君子湯方見二十四卷第六論

婦人陰挺下脫方論第十九

婦人陰挺下脫。或因胞絡損傷。或因子臟虛冷。或因分娩用力所致。

愚按。前症當升補元氣為主。若肝脾鬱結。氣虛下陷。用補中益氣湯。若肝火濕

熱。小便瀯滯。用龍膽瀉肝湯。

附治驗

一婦人陰中突出如菌。四圍腫痛。小便頻數。內熱晡熱。似癢似痛。小便重墜。此肝脾鬱結。蓋肝火濕熱而腫痛。脾虛下陷而重墜也。先以補中益氣。加山梔、茯苓、車前子、青皮。以清肝火升脾氣。更以加味歸脾湯。調理脾鬱。外以生豬脂和藜蘆末。塗之而收。

一婦人陰中挺出五寸許。悶痛重墜。水出淋漓。小便瀦滯。夕與龍膽瀉肝湯。分利濕熱。朝與補中益氣湯。升補脾氣。諸症漸愈。再與歸脾湯。加山梔、茯苓、川芎、黃柏。間服調理而愈。後因勞役。或怒氣。下部濕癢。小水不利。仍用前藥即愈。

又方。治前症。用麻子仁研塗頂中。自吸入即洗去。

附方

補中益氣湯

方見二十四卷第六論

龍膽瀉肝湯

方見二十四卷第八論

歸脾湯

加味歸脾湯

方見二十四卷第四論

婦人陰中生瘡方論第二十

竊謂前症乃七情鬱火。傷損肝脾。濕熱下注。其外症陰中出如蛇如菌。或如鷄

冠狀。或生蟲濕癢。或潰爛出水。或腫悶墜痛。其內症體倦內熱。經候不調。或飲食無味。晡熱發熱。或胸脇不利。小便痞脹。或赤白帶下。小水淋瀝。其治法腫痛者。四物湯加柴梔丹皮膽草。濕癢者。歸脾湯加柴梔丹皮。淋瀝者。龍膽瀉肝湯。白朮丹皮。潰腐者。逍遙散。山梔川芎。腫悶墜痛者。補中益氣湯。山梔丹皮。佐以外治之法。

一婦人潰腐膿水淋漓。腫痛寒熱。小便赤澀。內熱作渴。肢體倦怠。胸脇不利。飲食少思。余以爲肝脾虧損。用補中益氣。內柴胡升麻各用一錢。加茯苓一錢。山梔二錢。數劑少愈。又與歸脾湯。加山梔川芎茯苓三十餘劑。諸症悉退。惟內熱尙在。再與逍遙散。倍用山梔而愈。

一婦人素性急。陰內痛。小便赤澀。怒而益甚。或發熱。或寒熱。此肝經濕熱所致。用芎歸炒梔柴胡苓朮丹皮澤瀉炒芍車前炒連生草。數劑漸愈。又去黃連澤瀉。又數劑全愈。

附方

四物湯

補中益氣湯二方見二十卷第六論逍遙散

歸脾湯二方見二十四卷第四論

龍膽瀉肝湯方見二十四卷第八論

小柴胡湯方見二十四卷第二論

婦人交接傷丈夫頭痛方第二十一

愚按前症當用補中益氣、六味地黃。以滋化源為主。

來復丹 交接相傷四肢沉重頭痛昏暈米飲下

右每服五十丸方見二十五卷第十論

附方

補中益氣湯方見二十四卷第六論 六味丸方見二十四卷第十一論

女人交接輒血出痛方第二十二

一婦人每交接受血作痛。此肝火動脾而不能攝血。用補中益氣濟生歸脾二湯而愈。若出血過多而見他症。但用前藥調補肝脾。

千金療交接血出

桂心

伏龍肝各等分

爲末。酒服錢許。

附方

補中益氣湯方見二十四卷第六論 濟生歸脾湯方見二十四卷第四論

婦人交接他物所傷方第二十二

一婦人交接出血作痛。發熱口渴欲嘔。或用寒涼之藥。前症益甚。不時作嘔。飲食少思。形體日瘦。余曰。症屬肝火。而藥復傷脾所致也。先用六君加山梔柴胡脾胃健而諸症愈。又用加味逍遙散而形氣復。

一婦人陰腫下墜。悶痛出水。胸腹不利。小便頻數。內熱晡熱。口苦耳鳴。此肝脾火症。用小柴胡加車前膽草荅朮升麻一劑稍愈。又用加味逍遙加升麻數劑漸愈。乃以加味歸脾加升麻柴胡并補中益氣加山梔數劑頓愈。仍用加味逍遙加味歸脾二藥調理全愈。

一婦人患前症熱痛。或用寒涼敗毒藥。飲食不入。時欲作嘔。小腹重墜。余謂此脾胃復損。元氣下陷。先用補中益氣加炮薑二劑。重墜漸愈。又加荜荅半夏二十

餘劑而愈。乃以歸脾湯。少加柴胡、升麻。并六味地黃丸而康。
又方。割鷄冠血塗之。以赤石脂末摻之。五倍子末亦良。

附方

六君子湯

補中益氣湯二方見二十四卷第六論加味逍遙散

加味歸脾湯

歸脾湯三方見二十四卷第四論六味丸方見二十四卷第十一論

婦人小戶嫁痛方第二十四

愚按前症當從二十一論互相主治。

千金方療小戶嫁痛。

甘草

生薑各五分

白芍藥四分

桂心二分

右以酒二升煎三四沸服。

又方。海螵蛸燒爲末。酒服方寸匕。日三服。

又方。小麥、甘草等分。煎湯洗甚效。

校註婦人良方 卷八 衆疾門 婦人小戶嫁痛方第二十四

